

醫

學

綱

目

醫學綱目卷之十七

心小腸部

諸見血門

衄血

久衄

產後衄

吐血

咳唾血

妊孕咳唾血

溲血

妊娠尿血

下血

中蟲下血

大法

道衄血出於肺以犀角升麻梔子黃芩芍藥生地紫參丹
參阿膠之類主之咯唾血者出於腎以天門麥門貝母知
母桔梗百部黃柏遠志熟地黃之類主之如有寒者乾薑
肉桂之類主之痰涎血者出於脾葛根黃芪黃連芍藥甘
草當歸沉香之類主之嘔血出於胃實者犀角地黃湯主
之虛者小建中湯加黃連主之

榮之生病也寒熱少氣血上下行方見寒熱

素帝曰有病胸脇支滿者妨於食病至則先聞腥臊臭出
清液先唾血四肢清目眩時時前後血病名為何何以得

熱

之岐伯曰病名血枯此得之年少時有所大脫血若醉入房中氣竭肝傷故月事衰少不來也帝曰治之奈何復以何術岐伯曰以四烏鯁骨一蒺藜二物并合之丸以雀卵大如小豆以五丸爲後飯飲以鮑魚汁利腸中及傷肝也

論中

諸見血無寒衄血吐血溺血皆屬於熱但血家症宜服生地黃以主之

生地

熟地

枸杞子

地骨皮

甘草

天門冬

黃芪

芍藥

黃芩

右剉每一兩水盞半煎一盞去渣溫服脈微身涼惡風每一兩加桂半錢吐血者多有此證

海龍腦雞蘇丸治上焦熱除煩解勞去肺熱咳衄血熱驚

悸脾胃熱口甘吐血肝膽熱泣出口苦腎熱神志不定上而酒毒膈熱消渴下而血滯五淋血崩等疾

薄荷一斤 麥冬去心二兩 甘草一兩 生薑六兩

黃芪 新蒲黃炒 阿膠二兩 黃連一兩

人參二兩已上俱末 木通各二兩 銀柴胡二兩到同木通沸湯洗

右為細末好蜜二斤先煎一二沸然後下生地黃末不住手攪時加木通柴胡汁浸焚成膏勿令火緊焦了然後加前藥末和丸如豌豆大每服二十九白湯下

勞虛煩梔子湯下 肺熱黃芩湯下 心熱悸動恍惚

人參湯下 唾咳吐血四血去心麥門冬湯下 肝熱

防風湯下 腎熱黃柏湯下 已上並食後臨臥服

治五淋及婦人漏下車前子湯下 痰嗽者生薑湯下

莖中痛者蒲黃滑石水一鍾調下 氣逆者橘皮湯下

室女虛勞寒熱潮作柴胡人參湯下

梅治吐血下血并婦人漏下雞蘇莖葉煎取汁飲之

海胸中聚集之殘火腹裏積久之太陰上下隔絕脈絡部分陰陽不通用苦熱以定于中使辛熱以行於分升以甘溫降以辛潤化嚴肅為春溫變而為和氣汗而愈也然餘毒土苴猶有存者周身陽和尚未泰然胸中微躁而思涼飲因食冷物服涼劑陽氣復消餘陰再作脈退而小弦細而遲澀而為衄血唾血者有之心肺受邪也下而為便血溺血者有之腎肝受邪也三焦出血色紫不鮮此重沓寒濕化毒凝泣水穀道路浸漬而成若見血證不詳本源便用涼折變乃生矣陽証溢出血陰証下如豚肝

上而血者黃芪桂枝湯 白芍當歸湯

中而血者當歸建中湯 增損胃風湯

寒

運氣

下而血者芎藭木附湯桂附六合湯若三血証在行陽二十五度見黃芪四君子湯主之若三血証在行陰二十五度見當歸四逆加吳茱萸主之

血證吐血衄血便血其人陰虛陽走其脈沉而散其外証虛寒無熱候宜烏金丸散止之法宜上用散下用丸次以木香理中湯加大七氣湯入川芎煎調蘇合香丸溫之運氣上下出血有四

一曰熱助心火甚而血湧沸也經云歲火太過炎暑流行肺金受邪民病血溢血泄又云少陽之復火氣內發血溢血泄王註謂血上七竅為血溢泄利便血為血泄者是也二曰寒攻心火虛而血逃亡也經云太陽司天寒淫所勝血變于中民病嘔血血泄衄血善悲又云太陽在泉寒淫所勝民病血見是也

經方治
諸血

三曰濕勝血亡經云太陰在泉濕淫所勝民病血見是也
四曰寒熱凌犯血亡經云少陰司天之政水火寒熱持於
氣交熱病生於上冷病生於下寒熱凌犯而爭於中民病
血溢血泄是也

血餘散治血淋兼治內崩吐血舌上出血小便出血用
亂髮皂角水淨洗洒乾燒灰爲末每二錢以茅草根車前
草煎湯調下本草謂髮灰消瘀血通關格利水道破癥瘕
血衄有人生血瘤大如栗常被衣擦破則血出不止用此
血餘灰付之愈一人刀傷血流不止用胎髮灰付之亦愈

海孫真人九竅出血方荊葉搗取汁酒和服之

九竅出血以刺薊一握絞汁以酒半盞和服之如無生
者搗乾者爲末冷水調三錢舌上無故出血如線用槐
花炒研末用手摻之

舌上血

時舌上忽出血如簪孔者香薷汁服一升日三服

無用髮夾二錢米醋二合調服或付舌上血出孔處

文蛤散治熱壅舌上出血如泉

五倍子洗白膠香牡蠣粉各等分

右為末每用少許搽患處或燒熱鉄烙孔上

牙齦血

栢栢治陰虛牙出鮮血氣熱以四物加牛膝香附生甘草側

羅牙疼腫痒動搖牙齦潰潤宜露出血口氣等疾

當歸一藁本地骨皮防風

白芷槐花川芎甘草炙

升麻細辛各等分

右為細末每用少許擦牙痛甚者取三錢水一盞半黑
豈半合生薑三片煎至一盞去粗熱嗽冷吐之

治滿口齒有血枸杞根為末煎湯嗽後喫又治膈上吐血妙

齒縫中多出血當以鹽湯嗽又能益齒走血之驗也

齒痛斷出血夜以指厚付斷上有涎瀝盡乃臥涎出時叩齒勿住十夜瘥忌魚肉○物

齒間出血不止苦竹茹以醋浸一宿含之

濃煎竹葉湯入鹽少許含之止濃煎茶含嗽亦妙

治牙血用附米白芷大黃三物燒灰以青鹽和擦之

治一切牙疼風熱齦常出鮮血以至崩落口臭不可近人者宜服之

大黃

米泔浸

生地黃

大者薄切

右二味旋切各用一片二片合定貼所患牙上一夜即愈未全可則再如前法用忌說話恐引風毒津液漬痛

處、

四無故牙動牙宣血出香附米用薑汁浸一宿晒乾爲末嗽口揩齒令白且堅而不動無血矣又方以楊梅樹皮濃煎湯嗽口勿嚥神妙

五治齒斷間津液出血不止以礬石一兩燒水三升煮取一升先拭齒乃含之

六有人病齒縫中血出以紙撚蘸蟾酥少許於血出處按之立止

七治虛氣攻牙齒痛血出牙斷疼痛骨碎補二兩細剉炒令黑色杵末依常鹽漱後揩齒斷下良久吐之臨以後嚥之無妨

耳中血

八治耳中出血以龍骨末吹入卽止

汗血

病者汗出汚衣名曰汗血皆由大喜傷心喜則氣散血隨

氣行婦人產褥有此證治以葎草汁

葎草

不拘多少俗名舊勒葉也蔓生葉似草麻而小葉有細刺花黃白子如勝子

右搗汁二升醋二合和空腹飲一盞或煮濃飲亦治沸

瀝尿血

右九竅血舌血牙血汗血不愈又當於衄血吐血條相

參用之

針灸

潔衄血吐血下血婦人下血不止隱白五分灸

東又法隱白太陵神門各五分太溪七分

婦人經脈妄行鑽心脇疼妄行於上則衄血中則吐血

下則下血癰門乙分治巨缺一分治氣海五分治

中極三分三陰交五分

診

海血證與黃證俱頭汗出

垣血溢上行或唾或嘔或吐皆凶也若變而下行為惡利

者順也血上行爲逆其治難下行爲順其治易故仲景云
畜血症下血者當自愈意同若無病之人忽然下利者其
病進也今病血症上行而復下行惡利者其邪欲去是知
吉也

脈沉爲在裏榮衛內結胸滿必吐血

衄入脈浮目睛暈黃衄未止暈黃去目睛慧了知衄今止
病人面無血色無寒熱脈沉弦者衄也浮弱手按之絕
者下血煩欬者必吐血心脈微瀆爲血溢全文見診下肺

脈滑其爲唾血肺脈微滑爲上下出血

仲脈弦而大弦則爲減大則爲乳減則爲寒乳則爲虛虛

寒相搏此名曰革婦人則半產漏下男子則亡血失精

衄脫血而脈實者難治真藏論

衄而不止脈大而逆也全文見診生死

雖病若吐血復熱衄脈當沉細反浮大而牢者死 吐血
衄血脈滑弱者生實大者死 汗出若衄其脈滑小者
生大躁者死

嘔血胸滿引背脈小而疾者逆也

全文見
診生死

脈至而搏血衄身熱者死

大奇
論

衄吐血欬逆上氣其脈數而有熱不得臥者死

衄諸見血身熱脈大者難治難治者邪勝也身涼脈靜者
易治易治者正氣復也 衄血者若但頭汗出身無汗及
汗出不至足者死

衄走血血病無多食

衄宜明五
氣篇

衄血

無止衄散

黃芪

六
歲

赤茯苓

白芍藥

各三
錢

當歸

生地

阿膠炒各三錢

右為細末煎黃芪湯調下三錢未止再服

治血衄不愈以三稜針於氣衝上出血立愈更服此藥尤妙

五味子十粒

麥門冬去心五分當歸五分

黃芪錢一

生地三分

人參五分

右咬咀作一服水二盞煎一盞空心熱服

鼻血不止諸方不效糯米炒微黃為末新水下二錢此方甚妙

治鼻衄出血眩冒欲死燒亂髮細研水服方寸匕須臾吹鼻中瘥

衄血先服朱砂蛤粉次服木香黃連大便結者下之用大黃芒硝甘草生地瀉軟者梔子黃芩黃連可選用之

寅

熱

犀角血以涼血行血為主

犀角地黃湯入鬱金同用

丹溪

云犀角性走散血虛者用之獨至

犀世治咯血衄血白芍藥一兩犀角一分為末新水服一

錢七衄止為限

犀世畫粉散治鼻衄血不止一二服除根白土即畫匠所用

畫粉研極細每服五錢新井水調服立止

世人中白為末白湯調服治衄累效

羅生地黄湯治鼻衄昏迷不省

生地黄三五斤不暇取汁使患人生吃啣汁三斤

保衄血不止麥門冬飲子

麥門冬去心生地黄

右切水煎服

犀凡治鼻衄及膈上熱盛乾地黄龍腦薄荷等分為末冷

水下

鼻衄服數有熱

人參三分

黃柏炒二分

黃連五分

地黃錢一

歸尾五分

甘草二分

黃芩五分

芍藥錢一

鼻衄血者初出多不能止用黃丹吹入鼻中乃肺金受

相火所制然也宜生料雞蘇散治之

雞蘇葉

黃芪去蘆

生地

阿膠

白茅根各一兩

麥門冬去心

桔梗

蒲黃炒

貝母去心

甘草炙各五錢

右咬咀每服四錢薑三片水煎服

治大熱衄血用萱草根洗淨研汁一大盞生薑汁半盞

相和時時細呷并溪云萱草屬水性下行陰分

鼻血貫仲根細末水調一錢七立止

羅寸金散治鼻衄不止

黃藥子

錢五

土馬磁

半兩有足者

生甘草

各一錢

右為細末每服二錢新水調下未止再服立瘥

本草云土馬磁

即黃與垣衣之類垣衣生垣垣之側土馬磁生垣垣之上背陰右垣上多有之

治鼻衄不止黃藥子為末每服二錢七煎薄荷湯下良

久以新汲水調麩末二匙頓服之

山血飛麩二錢塩一錢新汲水調下

血用蛙竹木米飲調服驗

膽移熱於腦則辛頰鼻淵傳為衄

全文見診病傳變

定命散治膽受熱熱血妄行鼻中衄并血汗不止

朱砂

寒水石

麝香

右為末每服半錢新汲水調下不計時候看老幼虛實

加減

膽熱

寸脈微
為寒

脈寸口脈微苦寒為衄宜服五味子湯磨萊萸膏令汗出

方未
考

予男衄寸口脈微小用寒涼藥不止後用小建中湯加梔
仁黃芩黃柏一服立愈

自亂為
表

四七叔婆鼻塞時有血些少出

羌活

獨活

防風

升麻

乾葛

蒼朮

陳皮

甘草

白芷

麻黃

黃芪

分二貼入開口紅椒七粒棗二枚去核蔥白三根水二
盞煎取淺盞稍熱飲之

藏府

春善病衄

衄全文見
五臟

仲從春至夏衄者太陽從秋至冬衄者陽明

衄者散
之

丹衄血不止以養胃湯一貼煎服效一方治衄血妄行

用百藥煎半燒半生和水酒調服。

散者投之

茵梅丸治衄血無時

茜草根

艾葉各一兩

烏梅肉半兩

右為細末煉蜜丸如桐子大烏梅湯下三十九。

運氣

運氣衄有三。

一曰熱助心火而血溢為衄經云少陰所至為衄衄又云少陰司天熱氣下臨肺氣上從衄衄鼻窒又云少陰司天熱淫所勝民病衄衄又云少陽司天三之氣炎暑至其病血溢衄衄又云少陽司天火氣下臨肺氣上從衄衄鼻窒又云少陽司天火淫所勝病甚則衄衄又云少陽之復太熱將至欬衄必也。

二曰寒攻心火而血逃為衄經云太陽司天寒淫所勝嘔血血泄衄衄善悲時眩仆也。

三曰寒熱相逼而衄經云陽明司天之政初之氣陰始凝氣始肅民病中熱衄衄此外寒鬱內熱而衄也又云少陰司天之政四之氣寒熱互至民病衄此下寒迫上熱而衄也

辨方

衄血白芨末新汲水調下神妙

御院齋香散治鼻衄不止

白礬

枯過另研

白龍骨

粘舌者另研各半兩

麝香

另研半兩

右三味杵和勻每用一字先將冷水洗淨鼻內血涕然後吹藥於鼻中或以濕紙蘸藥塞鼻尤效

治鼻中衄血及咯吐血不止五色龍骨作末吹一晝許於鼻中立止

圖榴花百葉者主心熱吐血及衄血等乾之作末吹鼻中

立瘥

已上皆

亂髮微溫主欬嗽五淋大小便不通小兒

驚癰止血鼻衄燒之吹鼻內立已

髮灰破活血補陰

本山梔不拘多少燒存性爲末搐入鼻中立愈蔡子渥傳云同官趙無疵其兄衄血甚已死入殮血尚未止偶一道人過聞其家哭詢問其由道人云曾服丹或燒煉藥予有藥用之卽出此藥半錢七吹入鼻中良久得活併傳此方

世治鼻衄人中白係尿缸結者燒灰少許吹入鼻中

已上寒劑

本鼻衄過多昏冒欲死用香墨濃研點入鼻中

丹鼻血龍腦葉研塞立止入豉尤妙

勝金治衄血以蔥白一握搗汁投酒少許抄三四滴入鼻

中瘥

無白芨散治鼻衄立效白芨不以多少爲末冷水調用紙

花貼鼻穴中

一方用黃膠湯浸令軟貼鼻穴中

鼻穴山根也

垣治鼻衄久不止或素有熱而暴作者諸藥不效神法以

大白紙一張作十數摺於冷水內浸濕置頂中以熱熨斗熨之至一重或二重紙乾立止

治鼻血不止服藥不應宜用蒜一枚去皮細研如泥攤一餅子如錢大厚一荳許左鼻血出貼左脚心右鼻血出貼右脚心如兩邊俱出貼兩脚心卽瘥血止卽以溫水洗去之 一法用紙圓兒右衄塞左耳左衄塞右耳 又冷水調白麴飲之

治衄不止百藥不效因心憂慮得者急縛兩手中指上立止

針灸
針灸衄取四經

其一取足手太陽經云衄而不止血流取足太陽大衄衄血取手太陽不已取宛骨下不已刺膈中出血又云膀胱足太陽之脈所生病者衄衄項背腰尻膕端痛視盛虛熱

寒陷下取之又云足太陽之別名曰飛陽去踝七寸別走少陰虛則臑血取之所別也

其二取足手陽明經云胃足陽明之脈所生病者臑血又云大腸手陽明之脈所生病者目黃口乾臑血皆視盛虛熱寒陷下取之又云邪客於足陽明之絡令人臑血上齒寒刺足中指次指爪甲上與肉交者各一病左刺右右刺左

臑血 瘡門分三 合谷 內庭

密又法 瘡門 三里照海分五

世又法 三里 外關瀉 重者風府

焦又法 風府 上星 百勞 合谷不已取後穴 迎

香 人中 印堂

口鼻出血不止 上星灸三報穴

虛 診

因頭腦中寒鼻衄目泣出神庭主之 衄血不止承漿及
委中主之 衄血腰脊脚膈痠重戰慄不久立膈如裂脚
急跟痛足攣引少腹痛咽喉痛大便難腹脹承山主之
頭重鼻衄反瘕痰汗不出煩心足下熱不欲近衣項痛目
腎及小便皆不利至陰主之

診衄法見諸見血門

久衄

世久衄炒糯米爲末水調服神妙

詳見

垣黃芪芍藥湯治鼻衄血面多黃眼溢多眦手麻木張彥
明男衄血多歲不效用此方

黃芪

兩一

甘草

兩二

升麻

兩一

葛根

羌活

兩半

白芍藥

錢二

右爲麤末每服半兩水二盞煎至一盞去渣溫服二十

五貼而愈六脈細弦而濇按之空虛其色必白而天不
澤者脫血也此大寒証以辛溫補之以養血以甘溫潤
之劑佐之即愈此脫血傷精氣之証也六脈俱大按之
空虛心動面赤善驚上熱乃手少陰心之脈也此因氣
盛多而亡血以甘寒鎮墜之劑瀉火與氣以墜浮氣以
辛溫微苦峻補其血再用三黃補血湯

三黃補血湯

熟地

生地

當歸

柴胡

各錢半

白芍藥

川芎

牡丹皮

升麻

黃芪

各一錢補之治
血虛者上切

右為饒末每服半兩水二盞煎五沸去渣溫服食前兩
手脈花兩頭則有中間全無而虛曰衄血至胸中或衄
血吐血以犀角地黃湯主之

地黃散治衄血往來久不愈

生地

熟地

枸杞子

地骨皮各等分

右為細末每服二錢蜜湯調下日三服

雜方

治鼻血常發者於發時用生薑杵碎合額上一日如痒就搔之永不再發

治人少小鼻衄小勞輒出桑耳無多少炒令焦搗末每衄發以杏仁大塞鼻中數度可 大病瘳後小勞便鼻衄牡礪一分石膏五分搗末酒服方寸七日三四服亦可蜜丸如桐子大服之

產後衄

診治

大產後口鼻黑氣起及鼻衄者名曰胃絕肺敗此証不可治遇有此疾急取緋線一條并產婦頂心髮兩條繫係中指節即止 治產後鼻衄中風以荊芥為末重便調下神

驗此方氣虛人勿用

吐血

氣虛不
能攝血

治吐血以人參一味為末雞子清投新汲水調下一錢

服之方千金

人參救肺湯治吐血亦用

人參

升麻

柴胡

歸稍

蒼朮各一錢

熟地

白芍藥

黃芪各二錢

陳皮

蘇木

甘草各五分

右為麤末作一服水二盞煎一盞去查稍熱食前服

局必勝散治血妄流溢或吐或衄

小蘗升和

人參去

蒲黃炒

當歸

熟地

川芎

烏梅去核各等分

右咬咀每服四錢水一盞煎七分溫服不拘時

有熱者
補中降
火

保羅蘇散治虛損氣逆吐血不止

雞蘇葉

黃芩

刺薊

生地

黃芪

各一兩

當歸

赤芍藥

各半兩

阿膠

伏龍肝二兩

右為籠末每服四錢薑三片竹茹彈子大水同煎

丹朱畱六因辛苦吐血或衄夜間發熱口乾身疼食少當作虛勞治

白朮

六錢半

人參

青皮

炒

生地

芍藥

陳皮

歸尾

甘草

炙半兩

川芎

三錢

紅花

五分

分十貼水二盞煎至三之一食前稍熱飲下保和丸十

四粒與點丸十粒

一婦人年五十餘嘗吐血今又作面黃身蠕動食少

青皮兩半

人參三錢半

白朮

陳皮各三錢

白芍藥

木通各二錢

黃連炒

乾薑

黃芩炒

川芎各錢半

黃柏炒一錢

生甘草

生地各錢半

歸頭二錢

分七貼水二盞煎至三分之一去渣入藕汁半盞再煎

沸通口飲之

也虛火上升

夫口鼻出血皆係陽盛陰虛有升無降血隨氣上越出上

竅法當補陰抑陽氣降則血歸經也

大補血丸治陰虛吐血

當歸一錢

生地一錢半

右以杜牛膝汁浸三日取起酒洗淨入臼內杵千杵為

丸桐子大白湯下

治吐血神效方生地黄汁一升二合白膠香二兩以磁

器盛入甑蒸令膠消服妙 一方獨用生地黃汁半升飲

之立止神妙

五神湯治婦人熱毒上攻吐血不止

生藕汁 刺薊汁 生地汁各二 生薑汁半

白蜜一

右和煎三兩沸無時以一小盞調炒麴一錢食前服

治心熱吐血口乾獨用刺薊搗絞取汁一小盞服

大四生丸治吐血衄血陽乘於陰血熱妄行

生荷葉 生艾葉 生栢葉 生地黃各等分

右研爛丸如雞子大每服一九水三盞煎一盞濾過溫

服經驗治吐血咯血一味荷葉焙乾為末米湯下二錢

丹經血逆行或血腥或吐血用韭菜汁服立效

酒治吐血咯血蒲黃一兩搗為散每服三錢溫酒或冷水

調服妙 治吐血茜草一兩生搗羅為散每服三錢水一盞煎七分发冷食後服

世治內損吐血飛羅麴不以多少微炒濃磨細墨一匙茶調下二錢立效 又方治吐血用松烟墨磨汁服立效

世治大吐血好墨細末二錢以白湯化阿膠清稠稀得所頓服熱多者尤相宜

扶痰者
清痰降
火

世先見紅後見痰多是陰虛火逆痰不下降四物湯加痰火藥

治火血上錯經妄行四物湯加炒山梔童便薑汁此後諸方用童

便薑汁雖無痰亦吐血要藥也治吐血衄血用鬱金為末以童便薑汁

好酒調服用酒一方不治吐血紅山茶花陰乾為末每服一

錢用童便半鍾生薑汁少許調服

世治吐血鼻紅生薑二分絞汁并壯健丈夫小便一升乘

熱頓飲瘥

四又方以童便一分酒半分搗栢葉溫飲之 吐血挾痰

痰積者下之

積方可下若一碗兩碗吐者只補陰降火用四物大劑之

類挾痰若用血藥則泥而不行只治火其血自止山梔最

清胃脘血

吐血者由憂思諸氣鬱極方散而生熱則心血妄行宜

玄明粉加黃丹服之次用四物解毒加藕節治之如前症

之熱並宜清之

仲心氣不足吐血衄血瀉心湯主之

亦治霍亂

大黃

二兩

黃連

黃芩

各一兩

右三味以水三升煮取一升頓服之

雲岐子犀角地黃湯治寸乳血在上焦

生地

二兩

黃芩

一兩

黃連

一兩

大黃

半兩

右咬咀秤一兩水二盞煎去查食後服之

治吐血川大黃一兩搗為散每一錢生地黃汁一合水

半盞煎三五沸無時服

吐血覺胸中氣塞上吐紫血桃仁承氣湯下之

馮舅氣上奔吐血心膈疼

枳殼錢三 青皮錢二 生地 木通

牡丹皮半錢 桃仁二十箇 川芎 黃芩

黃連一錢 甘草少 生乾薑 桔梗

分四貼煎服

或暴吐紫血一碗者無事吐出好此熱傷血死肝中宜服

四物解毒之類

治墜馬積血心胃唾血無數乾荷花根為末酒服方寸

七日三服

傷損性

汚血

血紫氣 寒胸中 者下少 瀾氣

加味芎歸湯治打撲傷損敗血流入胃腕嘔吐黑血或如荳羹汁

川芎

當歸

白芍藥

百合

水浸半日

荊芥穗

各等分

右剉散每四錢水一盞酒半盞煎七分去渣不拘時候

內傷飲食吐五

仲

夫酒客數者必致吐血此因極飲過度所致也此即肺

疽之屬

衄吐血有三種有內衄有肺疽有傷胃內衄者出血如鼻

衄但不從鼻孔出是近從心肺間津液出還流入胃中或

如荳羹汁或如切鱖血凝停胃中因即蒲悶便吐或去數

斗至一石者是也得之於勞倦飲食過常也肺疽者或

飲酒之後毒滿悶吐之時血從吐後出或一合半升一升

是也傷胃者因飲食太飽之後胃中冷不能消化便煩

悶強嘔吐使所食之物與氣共上衝賊因傷裂胃口吐血
色鮮正赤腹亦絞痛自汗出其脈緊而數者為難治也

書音戔
疑正也

經理中湯能止傷胃吐血以其方最理中脘分利陰陽安

定血脈

海藏亦云飲冷傷脾吐血以理中湯理治中脘
分利陰陽此亦理治內傷之法也方見傷寒

二合灰散治因啖辛熱嘔吐出血一合或半升許名曰肺
疽

紅棗

和核燒
存性

百藥煎

各
等分

右為細末每服二錢米飲調下

外感雨
濕吐血

除濕湯治胃雨着湯鬱于經絡血溢作衄及血溢流入胃

胃滿吐血

茯苓

乾薑

各四
錢

甘草

炙

白朮

各二
錢

右剉每服四錢水一大盞煎八分去查服頭疼加川芎

二錢最止落室中發

此方治胃兩吐血理中湯治傷

大吐血不止亦用乾薑一味炮為末重便調服治之者可見乾薑亦為吐血要藥也

男子年十七家貧而多勞十一月得寒病時吐三兩口

血六脈緊瀉一日食減中痞醫投溫膽湯枳桔湯三日後

發微熱口乾不渴口中有痰此感寒也詢知云因十日前

霜中曾渡三四次溪水心下有悲泣事腹亦飢遂以小建

中湯去芍藥加桔梗陳皮半夏四貼而安 又方治吐血

以交趾桂五錢為末冷水調服亦小建湯治感寒吐血之

義經云太陽司天寒淫所勝血變于中嘔血泄血飢飢平

以辛熱者即理中建中用乾薑桂枝治吐血之類皆同也

吐血挾熱者治法並見血虛

治嘔血黃栢好者以蜜塗炙乾杵末用麥門冬熱水調

下二錢七立瘥

扶熱者
內虛

寒者
灸

圖治心熱吐血不止生薑根搗汁半大升頓服立瘥

吐血挾寒者多是口食寒物身受寒氣之病治法並見內傷飲食外感雨寒條

仲吐血不止栝葉湯主之

栝葉

乾薑各二

艾三

肥

右三味以水五升取爲通汁一升合棗取一升分溫再服

圖治吐血鼻衄不止茯苓肝半升以新汲水一大升淘取汁和蜜頓服

運氣

運氣血溢有五

一曰熱助心血沸而溢經云少陽司天之政初之氣候乃大溫其病氣沸於上血溢又云少陰司天客勝甚則血溢又云少陽司天客勝則血溢又云火鬱之發民病血溢治

以醖寒是也

二曰寒攻心血逃而溢經云太陽司天之政寒濕之氣持於氣交民病血溢治宜苦以燥之溫之也

三曰內火格拒外寒垂遏而血溢經云少陰司天之政終之氣燥令行餘火內格甚則血溢是也

四曰風濕相薄血溢及下寒相薄蒸熱於上而血溢經云太陰司天之政初之氣風濕相薄民病血溢此風濕相薄血溢也四之氣畏火臨濕蒸化地氣騰天氣否隔寒風曉暮蒸熱相薄民病腠理熱血暴溢此地氣之寒相薄天氣蒸熱於上而血溢也

五曰燥邪攻肝血溢經云歲金太過燥氣流行病反側欬逆甚而血溢是也

傷肺

夫傷肺者脾氣不守胃氣不清經氣不爲使真藏壞矣

經脈傍絕五臟漏泄不衄則嘔示從容論口傷肺即傷氣當於氣虛不能攝血條參

治之

羅門冬飲子治脾胃虛弱氣促氣弱精神短少衄血吐血

五味子五箇

甘草

芍藥

黃芪各一錢

紫苑半錢

人參

婦身

麥門冬

右為釐末作二服水煎食後服

木天門冬丸治吐血咯血能潤肺止嗽

天門冬

甘草

杏仁炒

貝母

白茯苓

阿膠各半兩

右為細末煉蜜丸如彈子大每服一丸嚥津含化日夜

十九

酒色過度飢飽吐血痰血神妙

枇杷葉

欬花

北紫苑

杏仁去雙仁皮尖

鹿茸

法 炙如

桑白皮

木通

各一兩

大黃

半兩

右煉蜜丸臨臥合化

傷肝

經云怒則氣逆其則嘔血故氣上矣又云陽氣者大怒則形氣絕而血菀於上使人薄厥此皆怒則傷肝氣而嘔血以黃連香附青黛梔胡甘草平其肝自愈矣宜服赤茯苓瀉心湯

世治嘔血咯血衄血肝損白芨為末米飲調服神妙

國治吐血槲葉搗末每服二錢水一盞煎七分和查服

中蠱毒吐血

見下血門

針灸

刺灸吐血有二

其一取肺經云暴痺內逆肝相搏血溢鼻口取天府是也其二取筋經云手太陰筋病當所過者支轉筋痛甚成息奔脇急吐血治在燔針劫刺以知為數以痛為諭是也

密吐血 風府 大椎 鬲俞 肝俞各五分瀉

取又法 胃脘中 肝俞各沿皮一寸半

取又法 臍中 中脘 氣海 三里 乳根 支溝不

已取下穴肺俞 腎俞 心俞 膏肓 關元

取嘔血脇痛口乾不可欬引腎痛

不容向刺 上脘三寸 太陵 郄門 神門

取嘔血太陵及郄門主之 嘔血上氣神門主之 心下

有膈嘔血上脘主之 嘔血肩急脇下痛口乾心痛與背

相引不可欬欬則肩痛不容主之

肝脈太甚為內瘕善嘔血全文見治虛實法

診吐血法見前諸血門

咳唾血

咳血 痰盛 身熱多是血虛

大法

診

血熱
汚血熱

四 七傷散治勞嗽吐血痰

黃藥子

白藥子

各一兩半

赤芍藥

七錢半

知母

玄胡索

各半兩

鬱金

二錢半

當歸

兩半

山藥

乳香

沒藥

血竭

各二錢

右為末每服二錢茶湯下

本草云黃藥子白藥子治肺熱有功○一法紅花當歸煎

下湯

羅 恩袍散治咯血吐血及治煩躁

真生蒲黃

薄荷

各一兩

右研勻細每服三錢酒煎桑白皮湯調下

地黃散治一切吐血咯血能解一切毒及諸熱煩躁

茜草根

四錢

大豆子

黃藥子

各二兩

甘草

各二兩

右為細末每服二錢新汲水調下加人參二兩治痰嗽

有血

四痰帶血絲出童便竹瀝主之 又方用韭汁童便二物合和加鬱金細研入內服之其血自消 經血逆行或血腥吐血唾血韭汁服立効咯血用薑汁童便青黛入血藥中加四物湯牛膝膏地黃膏之類

氣鬱滯

治一切肺病咳嗽膿血及唾膿血不止方好酥三十斤煉取凝當中醍醐服一合日三升即止一切藥皆不及此方

甘草加阿膠紫苑湯治肺痿唾膿血方見傷寒咽痛門

肺疾膿血取薏苡仁十兩杵碎以水三升煎取一升入

酒少許服之本草云薏苡仁下氣利腸胃消水腫

血虛
大阿膠丸治嗽血唾血

阿膠微少 卷栢 生地 熟地

大薊獨根者 雞蘇葉 五味子各一兩 栢子仁研

茯苓

百部

遠志

人參

麥門冬

防風

各半

乾山藥

一兩

右爲細末煉蜜丸如彈子大煎小麥麥門冬湯嚼下一

九食後

右方保養精血純補劑也血虛者宜之

氣虛

治上氣喘息咳嗽吐血咯血人參細末雞子清調三錢

五更初服便去枕睡仰臥只一服愈年深再服忌酸醃酢

醬麪等物及過醉飽須好將息 一男子三十歲因連夜

勞倦不得睡成一痰嗽出白黃膿嗽聲不出時初春大寒

醫與青龍湯四貼遂覺咽喉有血絲腥氣逆上兩日後血

腥氣多遂有血線一條自口中右邊出直上如此每晝夜

十餘次診其脈弦大而散弱左大爲甚人倦而苦於嗽予

作勞倦感寒強以甘辛燥熱之劑以動其血不宜急治恐

成肺痿遂與人參黃芪當歸身白朮芍藥陳皮炙甘草生
甘草不去節麻黃煎熟入藕汁與之兩日而病減嗽止却
於前藥去麻黃又與四日而血症除脈之散大者未收歛
人亦倦甚遂於前藥中除藕汁加黃芩礞砂半夏至半月
而安

初勞散治肺痿痰嗽痰中有紅線盜汗發熱熱過即冷
飲食減少

白芍藥

六兩

黃芪

甘草

人參

當歸

半夏

白茯苓

熟地

五味子

阿膠

炒各二兩

右咬咀每服三錢水盞半生薑二片棗三枚煎九分無
時溫服日三陳白華云有女及笄病甚危一歲之間百
藥無效偶得此方只一料除根

五味子黃芪散治嗽咯血成勞眼睛疼四肢困倦脚膝無力

麥門冬

熟地

黃芪

桔梗

各半

甘草

一分

白芍藥

五味子

二分

人參

錢二

右為籠末每服四錢水煎日三服

雲岐子苓散涼心肺解勞熱

黃芪

兩

白芍藥

黃苓

人參

白茯苓

麥門冬

桔梗

生地

各半

右為籠末先用竹葉一握小麥七十粒水三盞薑三片煎一盞半入藥末三錢煎七分去渣溫服

席延賞治虛中有熱咳嗽膿血口苦咽乾又不可服涼藥好黃芪四兩甘草一兩為末每服三錢如茶點羹粥中亦可服

右參芪創純補劑也丹溪云脈大發熱為氣虛此氣血俱虛者宜之若血虛而氣不虛者不宜當用前阿膠丸之類及汚血條求之

婦人五十六歲盛夏吐紅痰有一二聲嗽

人參錢一

防風分五

白朮錢一

陳皮

茯苓錢各

乾薑分三

生甘草分一

桔梗錢半

右煎二之一入藕汁二大蛤再煎帶熱下三黃丸

王廿四丈發熱脇痛咳嗽紅痰口渴大便秘倦怠脈稍數而虛詢之發熱曾飲水一碗病因飲食不節成積痰發又飲冷水傷胃成虛傷肺成痰

白朮錢半

人參

陳皮

川芎錢各一

芍藥

茯苓

桔梗

甘草錢各五

右作二貼煎取八分入竹瀝二分再煎沸熱飲下龍

九壯丸如嗽三十九

右丹溪參朮藕汁竹瀝法也

通補有

脈大發熱喉中痛者是氣虛用參芪蜜炙黃柏荆芥地黃
當歸韭汁童便薑汁磨鬱金飲之其血自消

右參芪加鬱金韭汁童便補中解鬱也

黃芪蜜甲散治虛勞客熱肌肉消瘦四肢倦怠五心煩
熱口燥咽乾煩赤心忡日晚潮熱夜有盜汗胸脇不利食
減多渴咳嗽稠粘時有膿血

黃芪一兩

素白皮

半夏

黃芩

甘草炙

知母

赤芍藥

紫苑各五錢

秦艽

白茯苓焙

生地

柴胡

地骨皮各六錢

肉桂

人參

枯梗各三錢

鱉甲去裙炙

天門冬去心焙

右為震末每服二大錢水一大盞食後煎服

人參黃芪散治虛勞客熱肌肉消瘦四肢倦怠五心煩熱

咽乾煩赤心忪潮熱盜汗減食咳嗽膿血

人參兩一 秦艽 茯苓各二兩 知母二錢半

桑白皮兩一 桔梗兩一 紫苑 柴胡二兩半

黃芪三兩半 半夏湯洗一兩半 鱉甲去裙酥炙二兩

右為震末每服三錢去渣服

右參芪鱉甲例補中有通也

人參蛤蚧散治三二年間肺氣上喘咳嗽咯唾膿血滿

面生瘡遍身黃腫

蛤蚧一對全者河水浸五宿還日 杏仁去皮尖炒五兩

甘草炙三兩 人參 茯苓 貝母

知母 桑白皮各二兩

右爲細末磁器內盛每日如茶點服神效

蛤蚧補肺勞虛嗽有功治久嗽不愈肺間積虛熱久則成瘡故嗽出膿血曉夕不止喉中氣塞胸膈噎痛用蛤蚧阿膠生犀角鹿角膠羚羊角各一兩除膠外皆爲屑次入膠分四服每服用河水三升於銀石器內慢火煮至半升濾去查臨臥微溫細細呷之其查候服盡再提都作一服以水三升煎至半升如前服病人久虛不喜水當減水

右蛤蚧例亦補中有通久嗽不愈者宜之

麥門冬湯治傷寒後傷肺欬唾膿血胸脇脹滿上氣羸瘦

麥門冬

桑白皮

生地

半夏

湯洗

紫苑

桔梗

淡竹茹

麻黃

去根節

五分

五味子

甘草

炙各半兩

右爲麤末每服五錢水二盞生薑二錢半東三枚劈破

同煎去查食後溫服

羅續斷散治骨蒸勞熱傳尸瘦病潮熱煩躁喘嗽氣急身疼盜汗兼治咳嗽唾膿血

續斷

紫苑

桔梗

青竹茹

五味子

各三錢

生地

桑白皮

各五兩

甘草

炙二兩

赤小豆

升半

右為麤末每服三錢入小麥五十粒水煎去查日三服

海紫苑散治欬嗽唾血虛勞症肺痿變癰

紫苑

人參

知母

貝母

桔梗

甘草

五味子

茯苓

阿膠

右為麤末生薑水煎服

右門冬五味例亦補中有通也

外療傷唾血方用茅根一味服方寸七日三服亦可絞汁飲之主熱渴

治勞瘵傳尸寒熱交攻久嗽咯血日漸羸瘦先服三拗湯與蓮心散萬不失一

三拗湯

麻黃不去節

甘草生

杏仁不去皮尖

右剉碎薑蔥煎服

蓮心散

當歸

黃芩

甘草炙

枳殼炒

鱉甲炙

前胡

柴胡

防已

阿膠

蓮肉去心

南星各一錢

川芎一兩

芫花

醋炒十分

右十三味咀合和獨芫花另包每服二錢半水一小盞半生薑三片枣一枚入芫花一撮煎八分服無時須

椿香有

吐有異物後羌花漸減蓋羌花反甘草多之所以殺虫
少之所以去寒熱妙處在此方與集要不同宜考之

本治勞瘵吐血損肺及血妄行神傳膏用剪草一斤葵台
州皆有惟婺州者可用狀如茜草又如細辛每用一斤淨
洗爲末加入生蜜一斤和爲膏以器盛之不得犯鐵九蒸
九曝日一蒸曝病人五更起面東坐不得語用匙挑藥如
粥服每服四匙良久用稀粟米飯壓之藥冷服粥飲亦不
可太熱或吐或下皆不妨如久病肺損咯血只一服愈尋
常咳嗽血妄行每服一匙可也有一貴人其國封病瘵其
尊人常以此方畀之九日而藥成前一夕病者夢人戒令
翌日勿亂服藥次日將服之爲屋上土墜器中不可服再
合既成又將服之爲猶覆器又不得服又再合未就而是
人卒矣此藥之異如是若小小血妄行一啜而愈或云是

陸農師夫人鄉人艾平先嘗親說此事渠後作大觀本草亦收入集中但人未識不肯信爾

外療咳逆唾膿血雞子湯

雞子一箇

甘草炙二

甘遂一分

大黃二分

黃芩二分

右用水六升煮取二升去渣內雞子攪令調盡飲之良忌海藻松菜

子和臈湯劉氏一男子年二十餘歲病勞嗽咯血吐唾粘臭近不可聞秋冬少緩春夏則甚寒熱往來日晡發作狀如痰瘧寢汗如水累服麻黃根敗蒲扇止汗汗自若也又服寧神散寧肺散止咳嗽自若也戴人先以獨聖散湧其痰痰狀如雞黃汗隨湧出昏憤三日不省時時飲以涼水精神稍開飲食加進又與人參半夏九桂苓甘露散服之

不數日愈

四台州林德方年二十餘歲得嗽而咯血發熱肌體漸瘦
衆醫以補藥調治數年其症愈甚予診其六脈皆澁予曰
此好色而多怒精血耗少又因補塞藥太多禁衛不行汚
血內積肺氣壅遏不能下降治肺壅非吐不可精血耗少
非補不可惟倒倉二者俱備但使之吐多於瀉耳兼灸肺
俞五次而愈

腫大
作痛

三雞蘇丸治虛熱昏憤倦怠下虛上壅嗽血衄血

雞蘇葉

片半

黃芪

兩一

甘草

川芎

各半

防風

兩一

桔梗

兩半

荆芥

兩二

甘菊

錢三

生地

兩半

腦子

錢半

右爲細末煉蜜丸如彈子大每服一九麥門冬去心煎
湯嚼下若肺損吐血日漸乏力瘦弱行步不得喘嗽痰

漢或發寒熱小便赤澀加車前子二錢用桑枝剉炒香

煎湯嚥下

脈沉滑
作實證

脈浮大者作虛治宜虛條下參其諸方主之若浮大而上

聖甚者宜此雞蘇丸方

脈沉滑有力者作實治宜實條

熱

先痰嗽後見紅多是痰積熱降痰火為急痰涎帶血

出此胃口熱血蒸而出重則山梔輕則藍實荊芥能散

喉管痰血

欬血方

青黛

瓜蒌實

訶子

海石

山梔

右為末薑汁蜜調嚥服嗽甚加杏仁後以八物湯加減

調理

鄭仲本年二十三歲因心痛服丹附等藥得上氣病膈
兩脇急迫脹觸不快便時嗽咯出血病形漸瘦大便燥而
難脈弦數夜同界熱食稍減因與燈籠草和節麻黃細末
以白朮桔梗木通甘草湯調下十餘服病減半又與通聖
散去石膏為丸以桃仁湯下之

經治咯血黃藥子漢防已各一兩為末每服一錢匕水一
盞小麥二十粒同煎食後溫服

羅朱砂膏鎮心安神解熱及肺損嗽血等疾

蒼朮

二錢半

朱砂

另研

生犀

人參

玳瑁

甘草

炙

珍珠

末各一兩

牛黃

麝香

龍腦

南鵬砂

琥珀

另研

羚羊角

安息香

醋煮

赤茯苓

去皮

遠志

去心各半兩

鐵粉

蘇合香油

和藥亦得各一兩

右爲末煉蜜破蘇合香油劑諸藥爲小錠子更以金箔
裹之磁器收貯每服一皂子大食後嚼化衛尉葉丞得
效并阿膠丸相雜服此藥治血安神更勝至寶丹每兩
作五錠子

肺熱咳唾血惟七傷散用黃藥子白藥子最有效方見血
鬱血污條又脈浮數忌灸若誤灸之必唾血仲景云脈浮
熱甚反灸之必咽燥唾血是也 孫兆因博士王珣患咽
喉噴塞胸膈不利時發寒熱夜多盜汗忽心胸塞悶咳血
三數日卽止晚後脈數口乾涎唾稠粘咳嗽一二聲不透
肩背微痛嘗於關元氣海中脘三里等穴着艾不詳病得
之肺虛其狀中客熱症皆因誤灸服暖藥所致遂與外臺
第一廣濟紫花湯爲丸合服之立效

百部丸主諸咳不得氣息唾血方

寒

百部根二兩 升麻二兩 桂心 五味子

甘草炙 紫苑 乾薑各一兩

右七味蜜九桐子大每服三十九日三次知為度忌生

蔥海藻松菜

外療肺偏損胸中虛肺偏痛唾血氣欬欬冬散

欬冬花 當歸各六分 桂心 芎藭

五味子 附子各七分 細辛 貝母各四分

乾薑 生地各八分 白朮 甘草炙

杏仁去皮尖各五分 紫苑三分

右共為末清酒服方寸七日二服忌生蔥生菜桃李雀

肉海藻松菜猪肉蕪荑

按唾血咳血屬寒者少今此二方用乾附熱劑蓋為腎

足少陰脈是動病咳唾血者設也用者審之

肺傷

肺傷者其人勞倦則咳唾血其脈細緊浮數皆吐血此

為躁擾噴怒得之脈傷氣壅所致

經云肺脈不及則令人喘呼吸少氣而咳上氣見血下者此病皆肺虛咳唾血之症治法並見氣虛條

肺虛

治虛勞久嗽咯血用五倍子煨為細末每服一錢用溫茶

一大口許調勻食後米飲半盞調服

肺盛

肺經嘔咳諸血及痰中有血初用生蘿蔔汁半盞入鹽

少許服之立效如無生蘿蔔用蘿蔔子一錢蘇葉一錢同煎服次用雞蘇散加阿膠治之

本草云蘿蔔大下氣氣下則血亦下也

經治咳嗽甚者或有吐血鮮素白皮一斤米泔浸三宿淨

刮上黃皮剉細入糯米四兩焙乾一處搗為末每服一二

錢米飲調下此方神效

本治久嗽咯血成肺痿及吐白涎胸膈滿悶不食區豆散

匾豆

生薑各半

枇杷葉去毛

半夏

人參

白朮各一分

白茅根三分

右剉水三升煎一升去渣下檳榔末一錢和勻分四服

不拘時候

治上氣咳嗽喘息喉中有物唾血方

生薑汁

杏仁各二升糖

蜜各一升

猪膏合二

右五味先以猪膏煎杏仁色黃出之以紙拭令淨搗如膏和薑汁蜜糖等合煎令可丸每服如杏仁一枚日夜六七服漸次增加

右後二方生薑多肺虛及汗多亡陽與血下便者忌用

少陰所謂咳唾則有血者陽脈傷也

脈解

血
運氣咳唾血有二

一曰熱傷肺經云少陰司天熱淫所勝民病唾血又云少陽司天火淫所勝病欬唾血治以酸寒是也

二曰濕傷腎經云太陰司天濕淫所勝咳唾則有血治以苦熱是也

藥方

丹治咯血用白芨一兩藕節半兩為細末每一錢湯調服神效或云芩下咽至血竅則竅為芩末填而血止也

針灸

山咯血新綿灰半錢酒調下

針灸唾嗽血毒取足少陰一經經云腎足少陰之脈是動則病咳唾有血視盛虛熱寒陷下取之也

東吐血內損

地五會

三分灸

魚際五分

尺澤一寸

甲唾血時寒熱瀉魚際補尺澤唾血振寒隘乾大淵主之
內傷唾血不足外無膏澤地五會灸胸脇脹滿咳逆

上氣呼吸及唾濁沫膿血庫房主之

外治上氣唾膿血灸兩乳下黑肉際各一十壯

仲寸口脈數其人咳口中及有濁唾涎沫者何師曰此為肺痿之病若口中辟辟燥咳即胸中隱隱痛脈反滑數此為肺癰 咳唾膿血脈數虛為肺痿數實為肺癰

右肺痿唾膿血治法散見本門諸方若肺痿但唾涎沫無膿血者見咳嗽門

肺脈微急為肺寒熱急情咳唾血引腰背胸若鼻息肉不

通證云急者多寒口全文見治虛實法

緊肺脈搏堅而長當病吐血王註云肺虛極則咯逆故唾血○脈要清微篇

脈唾血脈強者死滑者生

手少陰筋病內急心承伏梁下為肘網其成伏梁唾膿血

者死不治全文見筋○伏梁心之積在膈上

禁忌

心脈微緩爲伏梁在心唾血

全文見虛實法

羅肺痿辨 華嚴寺何上座年未四十四月間因澡浴大

汗出還寺剃頭傷風寒頭疼四肢困倦就市中贖取通聖散服之又發汗頭疼少減再日復作又以前藥發之汗數次四肢添勞重喘促自汗惡風咳而有血懶於言語飲食減少求醫治之與藥又多以生薑爲引至六月間精神愈困飲食減少形體羸瘦或咳或唾紅血極多請予治之具說前由診其脈浮數七八至按之無力予曰不救矣或曰何爲不救予曰血之與汗異名同類奪汗者無血奪血者無汗金匱要畧云肺痿之病從何得之師曰或從汗出或被快藥下利重亡津液故得之今肺氣已虛又以辛藥瀉之重虛其肺不死何待藏氣法時論云肺欲收急食酸以收之以酸補之以辛瀉之蓋不知內經之旨仲景云醫術

針灸

淺挾情然不知病源為治乃誤發汗吐下之相反其禍至速世人但務彼翕習之榮而莫見此傾危之習惟明者居然能護其本近取諸身夫何遠之有焉其僧不數日果亡

妊孕咳唾血

心妊孕寒熱往來咳嗽血痰或嘔吐不食無力或喘滿乳脊相應痛或口中唾如霜雪出語無聲或耳鳴或痰涎日夜數碗誤用熱藥之故也 風門 鬼戶各五分 支溝

間使各半

如寒熱未解百節痠癢昏憤再取絕骨五分 太溪三分

如脈氣未平瀉太淵 太白各二分 熱府

已上穴實瀉虛補治產前病立效此病安後半年必有一變四肢消瘦卑腹腫脹即取陰交一穴去其惡血

洩血

集

玉屑膏治尿血并五淋砂石疼痛不可忍受者

黃芪

人參各等分

右為末用蘿蔔大者切一指厚三指大四五片蜜淹少時蘸蜜炙乾復蘸復炙盡蜜二兩為度勿令焦至熟蘸黃芪人參末吃不以時仍以鹽湯送下

外療虛尿血方乾膠三兩炙搗末酒二升和溫服

無髮灰散治小便尿血

髮灰

本草云髮灰能消瘀血通閉格利水道破癰疽血無丹疾云髮補陰甚捷

右一味每用二錢以米醋二合湯少許服并花水調亦得一法茅草根車前子煎湯調下尤妙兼治肺疽心衄內崩吐血一兩口或舌上出血如針孔若鼻衄吹內立已

葛治小便出血當歸四兩細剉酒三升煮取一升頓服

丹有血虛四物湯加牛膝膏

胞絡絕則遺血

悲哀太甚則胞絡絕胞絡絕則陽氣內動發則心下崩數

洩血也全文見痿

法去死

姚氏治小便出血龍骨末方寸匕水調溫服日三服瘥

痔血

時治淋下血麻根十枚水五升煮取二升一服取血神效

經治尿血不止以鬱金一兩搗為末蔥白一握相和水一

盞煎三合去查溫服日三服

濟鹿角膠丸治房室勞傷小便尿血

鹿角膠半斤沒藥另研油頭髮灰各三錢

右為末用茅根汁打麪糊丸如桐子大每服五十九鹽湯下

熱

胞移熱於膀胱則癃溺血全文見診

但熱在下焦者則尿血亦令淋閉不通

丹溺血屬熱山梔炒水煎或用小煎琥珀

玄小便出血是心伏熱在於小腸宜鏡面草自然汁加生

蜜一匙服之以八正散加麥門冬煎服如小便澀痛以

海金砂細末調治之

八正散見淋條

外治尿血車前草搗取汁五合空心服之

濟小蓟飲下治下焦結熱尿血成淋

生地

兩四

小蓟根

滑石

通草

蒲黃

炒

藕節

淡竹葉

當歸酒浸

山梔仁

甘草

炙各半兩

右咬咀每服四錢水一盞煎八分空心溫服

無葶草汁法

方見淋

實熱

丹尿血實者可用當歸承氣湯下之後以四物加山梔

承氣湯即調胃承氣加當歸

脈尺脈滑氣血實婦人經脈不利男子尿血宜服朴硝煎
大黃湯下去經血針關元瀉之

難方

丹冬榮散治小便出血及腸風下血用夏枯草燒灰存性

為末米飲下 一方用凉水調下

診

少陰清則病積洩血

又見積塊

咳而且洩血脫形其脈小勁是逆也

全女兒診生此

咳洩血形肉脫脈搏是逆也

同上○凡脈曰勞曰強曰勁曰搏者此謂有力而實也

妊娠尿血

聖治妊娠尿血用阿膠炒黃為散每食前以粥飲調下二

錢七

大治妊娠尿血

阿膠

熟地各等分

右為末空心粥飲調二錢

下血

大法

下血不可用純寒涼藥必於寒涼藥中加辛味為佐久不愈者後用溫劑必兼升舉藥中加酒浸炒涼藥如酒煮黃連丸之類 凡用血藥不可單行單止 腸風獨在胃與大腸出治用黃芩秦艽槐角升麻青黛 定腸風痛用蒼朮滑石當歸生地黃黃芩甘草 下血屬虛者當溫散之四物加乾薑升麻 便血過多者四物加蟬皮 有熱者四物加山梔升麻秦艽阿膠 有兼風者蒼朮秦艽芍藥香附 胃清血非藍實不除

辨腸風
藏毒食
痔

如下清血色鮮者腸風也血濁而色黯者藏毒也肛門射如血線者虫痔也亦是一種下部虛陽氣不升血隨氣而降者

仲景云脈弦而大者弦為緊大為芤緊則為寒芤則為虛

革麻為寒虛相搏此名為革婦人則半產漏下男子則亡血失精

此下部虛而下者也若得革脈須宜服溫補藥虫痔宜熏

千金用蝟皮艾者佳予嘗用有效方見

升麻補胃湯治宿有腸血症因五月大熱吃杏腸癖下

血遠三四尺散漫如篩腰沉沉然腹中不痛血色紫黑病

名濕毒腸癖是陽明少陽經血症升陽湯主之

升麻半一錢羌活一錢獨活五分柴胡

防風各錢半葛根二分肉桂少白芍藥五分

牡丹皮半錢黃芪一錢熟地各五分生地各五分

服

右剉如麻子大作二服水二盞煎一盞去查稍熟食前

和中益胃湯治太陰陽明腹痛大便常澹泄若不泄即秘

而難見在後傳作濕熱毒下鮮紅血腹中微痛脇下急縮
脈緩而洪弦中指下得之按之空虛

熟地錢三

歸身酒洗 錢三

升麻錢五

柴胡錢五

蘇木錢一

蘇本錢二

甘草錢三

益智錢三

右作一服水三大盞煎至一盞去渣午食前溫服一貼
愈

升陽除濕和血湯治腸癖下血另作一派其血漸出有力
而遠射四散如篩下春二月中旬日下二行腹中大作痛
乃陽明氣衝熱毒所作也當升陽去濕熱和血脈不兩服
而愈

生地

牡丹皮

甘草各五錢

白芍藥一錢

熟地

黃芪錢一

升麻錢七

歸身

蒼朮

秦艽

肉桂各三錢

陳皮錢二

甘草分五

右咬咀作一服水四大盞煎一盞稍熱空心服立效

藥

益智和中湯治腸辟下血紅或深紫黑色腹中痛腹皮惡寒右三部脈中指下得之俱弦按之無力關脈甚緊肌表陽明分涼腹皮熱而喜熱物熨之內寒明矣

升麻錢一

葛根分五

白芍藥錢一

甘草分一

桂枝分四

益智分五

半夏分五

肉桂分一

婦身錢一

黃芪錢一

乾薑分少

牡丹皮

柴胡分各五

右爲麝末作一服水三盞煎一盞食後溫服

扶不
如

婦人年六十性多沉怒大便下血十餘年不止食減形困心搖動或如烟熏情性極惡早起面微浮急此時便血尤未盡絕中間若得一二日不來則意思稍清但遇稍不

實者
表攻裏

如意事則血復作百法不治左三部脈浮大稍重手則無
久取之又似滯澁而至數不勻右三部沉澁細弱寸脈沉
絕予謂氣鬱生涎涎鬱胸中清氣不升經脈壅遏不降心
血絕少不能自養所以有如熏之狀非開涎不足以行氣
非氣行則血不能歸隧道以壯脾爲君諸藥佐之遂以二
陳湯加酒紅花升麻當歸身酒黃連青皮貝母澤瀉黃芪
人參白朮酒芍藥每貼生附子一小片煎服四貼後血止
遂去附子加乾葛牡丹皮山梔子而如熏之狀亦除去又
於前方加礞砂炒神麴熟地木香倍參朮服半月而全愈
治下血蒼朮地黃同搗細末爲丸不用鐵器

大便下血曰腸風切勿止澁究其本末症狀先清其表
後攻其裏其血自止如脈洪大宜後方四物合解毒湯調

治解毒湯方
見發熱

本治腸風瀉血

牽牛五兩

牙皂三兩不蛀者起碎

右二味水浸三日後除皂角不用將酒一升煮令乾焙為末煉蜜丸如桐子大每服七丸溫酒送下空心日午夜臥各一服或轉下黃物不妨病可後每日常服五丸飯飲送下

腹中痛者為濕熱

黃連湯治大便後下血腹中不痛者謂之濕熱下血

黃連

當歸各五錢

甘草炙二錢半

右咬咀每服五錢水煎

腹中痛者為熱

芍藥黃連湯治大便下血腹中痛者謂之熱下血

芍藥

黃連

當歸各半兩

大黃錢一

淡桂五分

甘草炙二錢

右咬咀每服五錢水煎如痛甚者調木香檳榔末一錢

服之

長夏病
甚者五
濕熱

五

夫腸澼者為水穀與血另作一派如瀉桶湧出也夏濕熱太甚正當客氣盛而主氣弱故腸澼之病甚也以涼血地黃湯主之

黃栢皮

知母炒各一錢

青皮炒

槐子炒

當歸

熟地各五分

右咬咀俱作一服水一盞煎七分溫服如小便澀臍

下悶或大便前後重調木香檳榔細末各半錢稍熱於

食前空心服如裏急後重又不去者當下之如腹中

動搖有水聲而小便不調者停飲也診是何臟以去水

飲藥瀉之假令脈洪大用瀉火利小便之類是也如

胃虛不能食而大渴不止不可用淡滲之藥止之乃胃

中元氣少故也與七味白朮散補之方見消渴如發熱惡

熱煩躁大渴不止肌熱不欲近衣其脈洪大按之無力
或無目痛鼻乾者非白虎湯症也此血虛發躁當以黃
芪一兩當歸二錢咬咀水煎服如大便秘塞或裏急
後重數至圞而不能便或少有白膿或少有血慎勿利
之利之則必致病重及鬱結不通以升陽除濕防風湯
升其陽則陰氣自降矣

升陽除濕防風湯

蒼朮

酒浸炒去
皮淨四錢

白朮

錢一

白茯苓

白芍藥

各一錢

防風

錢二

右咬咀除蒼朮另作片水一碗半煮至二大盞內諸藥
同煎至一大盞去查稍熱空心食前服如飧泄不禁以
此藥導其濕如飧泄及泄不止以風藥升陽蒼朮益胃
去濕脈實腹脹閉塞不通宜從權以苦多甘少藥泄之

如得通復以升陽湯助其陽或不便以升陽湯中加泄藥通之

當歸和血散治腸澼下血或濕毒下血

槐花

青皮

荊芥

熟地

白朮

各六分

當歸

升麻

各一分

川芎

四分

右為末每服二三錢清水飲湯調食煎下

治腸風臟毒槐花散

槐花

栢葉

荊芥

枳殼

右等分為末每服二錢米飲調空心食前服經驗治下痢

芥等分為末酒調下一錢

玄大便秘下血者肺與大腸受熱宜四物同解毒藥入艾煎

下三黃丸調治之

治便血久久傷血并麻風症癰瘡見面者用

龜板二兩

升麻

香附各半兩

白芍藥一兩

側柏葉兩

椿皮七錢半

右為末粥丸先用四物加白木黃連甘草陳皮等藥作

湯送下

積熱便血

蒼朮

陳皮各二錢半

黃柏

黃芩各七錢半

連翹半錢

生地黃兩六

右為末以地黃膏搜為丸

脈緩大口渴便血月經紫色勞挾濕熱

白朮五錢

地黃

黃柏炒

白芍藥各三錢

地榆二錢

黃芩一錢

香附二錢

右為末炊餅為丸

孫用和治腸風瀉血黃芪黃連等分為末酒糊丸如葉茸

大每服三十丸米飲下

結陰丹治腸風下血臟毒下血諸大便秘疾

寒濕下血者丸

枳殼煨

歲靈仙

黃芪

陳皮去白

椿根白皮

何首烏

荆芥穗各半

右為末酒糊丸如桐子大每服五七十九陳米飲入醋

少許煎過放溫送下

本椿皮丸

臭椿皮

剉去麤皮焙十四兩

蒼朮

枳殼各二

右為末醋糊丸如桐子大空心食前米飲下三四十丸

治腸風瀉血久不止玉屑丸

槐根白皮

去麤皮

苦練根

去皮各三兩

椿根白皮

四兩三味於九月後二月前取軟者晒乾

天南星

半夏

各半兩並生用

歲靈仙

一兩

寒食麪

三兩

右爲末滴水丸如桐子大每服三十九以水一盞煎沸下九子煮令浮以匙抄起溫溫送下不嚼空心食前服頃年有人下血幾盈盆頓爾疲萎諸藥不效予曰此正腸風令服玉屑丸三服而愈

經治臟毒下血以苦練子炒黃爲末蜜丸米飲下十九至二十九甚妙

斗治腸風痔瀉血羊蹄根葉蒸爛一碗食之立瘥

外治卒下血不止龍膽草一虎口以水五升煮取二升半分爲五服瘥

本蕨菜花不以多少文武火焙乾爲末每服三錢飯飲調下

子和一男子臟毒下血當六月熱不可堪自甘於死忽思蜜水猛捨性命飲一大盞痛止血佳

結陰者便血一升再結二升三結三升駱龍古云結陰之病陰氣內結

不得外行血無所稟滲入腸間故便血也其脈虛弱者是也因血結不行故下口陰陽別給血泄者

脈急血無所行也從客

羅真定總管史侯男年四十二歲形體本瘦因勉強飲酸酒得腹痛次傳泄瀉十餘日便後見血或紅或紫腸鳴腹痛醫以諸見血皆熱治以芍藥栝皮湯之類前證如故仍不欲食食則嘔酸形體愈瘦面色青黃不澤心下痞惡冷物口乾時有煩躁不得安臥請予治之診得脈弦細而微遲手足稍冷內經曰結陰者便血一升再結二升三結三升又曰邪至五臟則陰脈不和陰脈不和則血留之結陰之病陰氣內結不得外行血無所稟滲入腸間故便血也以平胃地榆湯主之

蒼朮

白朮

陳皮

茯苓

厚朴

各五

甘草

乾薑

當歸

炒麴

白芍藥

益智仁

人參

各三

地榆

升麻

葛根

黑附子

炮一

右作一服水一盞生薑三片寒三枚煎至一盞去食
前溫服此藥溫中散寒除濕和胃數服病減大半又灸
中脘二七壯引胃氣上升次灸氣海百壯生發元氣灸
則強食生肉以還少丹服之至春再灸三里二七壯溫
脾壯胃生發元氣次服芳香之劑慎言語節飲食而愈
海楊師大醉醒發大渴飲水三大盞又飲米茶三碗後病
便鮮血四次約一盆先與吳茱萸丸翌日又與平胃五苓
各半散三大服血止後自利又與神應丸四服自利乃止
或問曰何不用黃連之類以解毒予曰若用寒藥其疾大
變難治寒飲內傷復用寒藥非其治也況血為寒所凝入

大腸間而便下血溫之乃行所以得熱則自止 楊氏飲
冷酒瀉血服對金散止亦理中脘分利陰陽安定血脈之
意也 唐生病因飲酪水及食生物下利紫黑血十餘行
脾胃受寒濕毒與六神平胃散半兩加白朮三錢以利腰
脘間血一服愈

易胃風湯治大人小兒風冷乘虛入客腸胃水穀不化泄
瀉注下及腸胃濕毒下如荳汁或下瘀血日夜無度

人參

茯苓

川芎

官桂

當歸

芍藥

白朮

各等分

右咬咀每服二錢水一大盞粟米百餘粒同煎七分去

渣稍熱空心服小兒量方增減 若加熟地黃芪甘草

等分爲十味名十補湯 若虛勞嗽加五味子 若有

痰加半夏 若發熱加柴胡 若有汗加牡蠣 若虛

寒加附子 若寒甚加乾薑皆依本方等分 若骨蒸發熱飲食自若者用十補湯加柴胡一兩 若氣弱加人參 若小便不利加茯苓 若脈弦澀加川芎 若惡風加官桂 若脈澀加當歸 若腹痛加白芍藥 若胃熱濕盛加白朮

治血下防風爲上使黃連爲中使地榆爲下使 若血瘀色紫者陳血也加熟地黃 若血鮮色紅者新血也加生地黃 若寒熱者加柴胡 若肌熱者加地骨皮 若脈洪實痛甚者加酒浸大黃

治腸風烏荊丸

川烏頭一兩炮去皮尖

荊芥穗二兩

右爲末醋九桐子大每服二十九溫酒送下熱水亦得 有病發時食前日三服無病時日一服

遠血

下血先便後血者此遠血也黃土湯主之

甘草

熟地

白朮

附子炮

阿膠

黃芩各三兩

灶中黃土升

右七味以水八升煮取三升分溫二服

近血

下血先血後便者此近血也赤小豆當歸散主之

赤小豆

五兩浸令出池水乾

當歸

一兩

右杵為末漿水服方寸匕日三服

前師云治熱下血或因食熱物發動以

赤豆許米水調吞下方寸匕又方治腸風赤小豆炒黑為末每服二錢米飲調下

內傷飲食

食飲不節起居不時者陰受之陰受之則入五臟入五臟

則腹滿閉塞下為飧泄久為腸澼

全文見五臟

因而飽食筋脈橫解腸澼為痔

生氣通天論

右飲食不節腸澼如羅謙甫治真定總管史侯男飲酸

酒下血法及海藏治楊師飲冰茶下血法治唐生飲酪

水下血法是也並見寒濕條

治酒積下血不止並後見諸藥不效

神麴一兩 白酒藥二九

右同為末用清水調捏作餅子慢火上炙黃為細末每服二錢白湯調下亦治泄瀉神效

春傷於風夏生飧泄腸癖論疾診尺篇

治胃風湯治風冷乘虛入客腸胃下血方見寒濕條

治腸風下血及血崩用五靈脂炒去火毒每服二錢

治腸風下血馬鞭草葉研碎扭汁服

治臟毒下血車前草連根一握生薑一小塊新水研碎去

渣候血欲下時腰間必覺重便服此藥一盞少坐漸覺冷

下腹中即登廁已不見血矣甚者不過再服

治腸風臟毒酒痢下血

黃連

生薑

右二味煎湯下二氣九次服五槐丸方列于後

又方

金星草

三兩草味苦寒
大解丹石毒

陳乾薑

右為末每服一錢新汲水調空心服

孫真人治糞後有血濃煎艾葉湯和生薑汁三合服之

治臟毒蒜連九鷹爪黃連末用獨頭蒜一顆煨香熟研

和丸如桐子大每服三四十九陳米飲下

患暴下血以葫五七枚去梗皮量多少入豆豉搗為膏

可即丸如桐子大以米飲下五六十九無不愈者葫即蒜也本草

血其能

後以收

烏梅丸治腸風下血服之立效

真僵蚕

一兩 烏梅肉 焙乾一兩

右爲末薄糊丸如雞頭肉大每服百丸食前白湯送下
日三服

本五槐丸治臟毒

五倍子

槐花陳

百藥煎

好者各等分

右焙乾爲末酒糊丸如桐子大每服二十九空心米湯
下一日三服

丹治下血用白芷五倍子爲末丸服

本治腸風

五倍子

白礬

各五錢

右爲末順流水丸如桐子大每服七丸米飲下忌酒

右酸寒之劑

千糞前有血令人面黃石榴皮取末茄子枝湯下

丹治腸風下血百藥不效有一良醫獨用山裏寒俗名鼻
涕團又名酸寒最治下血之疾試取乾者爲末服之應手

而安藥苟對症其效若此烏可以賤而忽之哉行義云酸速微熱

右酸熱之劑

本丈夫傷血婦人血崩瀆入大腸出血

草薢各炒 檳榔紫色 鶯栗殼燒灰

右等分爲末每服二錢空心米飲調下

世冬榮散治腸風下血方見

血見疑止

博治遠年日久腸風下血不止枳殼燒灰存性羊脰炭爲末和勻用濃米飲一中盞調下空心五更初一服如人行

五里再服立效每服枳殼灰五錢炭末二錢

本治腸風炒赤小荳散方見上下血條赤豆當歸散下註

又方瓜蒌三箇燒灰存性每服三錢空心米飲調下

靈苑治腸風下血久不止茄蒂燒存性爲末每服三錢七

食前米飲調下丹溪云茄蒂燒灰存性山梔炒等分爲末丸之米飲下百丸

本治腸風絲瓜燒灰存性空心溫酒調服二錢

食療治下鮮血梔子燒灰水和一錢七服之量其大小多少服之

廣治瀉血不止素耳一兩熬令黑水一大升三合煎取六大合去查空心分溫三服

本治腸風下血

核桃殼 蘭退 皮鞋底 赤雞冠花分等

右燒灰為末每服一錢空心溫酒下

又方治臟毒

當歸、 枳殼 側柏葉 陳槐花子

百草霜 芍藥各一

右剉碎一處炒令烟微起為末每服二錢空心溫酒調下日午米湯下各食前服甚妙

雜方

一方治腸澼用陳年棕櫚燒灰百藥煎爲丸服

二又方皂角樹上葦新瓦上焙乾爲末每服一錢溫酒下

三臟毒便血生藕節切片清早蘸平胃散嚼下

四治腸痔大便常血取蔥白三五斤煮作湯盆中坐立瘡

針灸
灸刺腸澼下血有二法

其一取肝經云病注下血取曲泉是也

其二取腎經云腎足少陰之脈所生病者黃疸腸澼視盛

虛熱寒陷下而施補瀉疾留灸也

腸澼脈孔大便出血數斗者以鬲俞傷故也宜灸鬲俞若

下重去血者宜針關元

五治腸風下血灸二十椎下隨年壯三報穴立愈

六甲腸中有寒熱注下腸澼便血會陽主之 腸鳴澼泄下

卵主之 腸澼泄切痛四滿主之 腸澼中郄主之 中郄

惟穴治腸風下血肘內曲澤下一寸

又法 三間 商陽 太陵 內關 命門 扶承

血症與黃証俱頭汗出惡風口飲酒便褐色或黑色者亦同血症治之

腎脈小搏沉為腸澼下血血溫身熱者死

大奇論

淫而奪精身熱色天然及酒後下血血篤重是逆也

全文見診

心肝澼亦下血二臟同病者可治其脈小沉澁為腸澼

其身熱者死熱見七日死

大奇論

帝曰腸澼便血何如岐

伯曰身熱則死身寒則生

帝曰腸澼下膿血何如岐伯

曰脈懸絕則死滑大則生

帝曰腸澼之屬身不熱脈不

懸絕何如岐伯曰滑大者生懸澁者死以臟期之

俱通評虛實論

脾脈外鼓沉為腸澼久自已

肝脈小緩為腸澼易治

論大

腹脹便血脈大時絕是逆也如此者不及一時而死矣全

見診生死○絕謂斷絕而不相結也

脈腸辟下膿血脈沉小留連者生數疾且大有熱者死

腸辟筋攣其脈小細安靜者生浮大緊者死

陰陽虛腸辟死陰陽

胃移熱於脾傳為虛腸辟死不可治全文見診

中蠱下血唾水沉者心腹絞痛下血如爛肉者俱為蠱

雜方

治中蠱下血如雞肝出其餘四臟俱壞惟心未毀或鼻破待死取馬蘭根末水服方寸匕隨吐則出極神此苗似

葛蔓綠紫生子似橘子

治卒中蠱毒下血如雞肝晝夜不絕臟腑敗壞待死用

白蘘荷葉密安病人席下勿令病人知覺自呼蠱主姓名

百一治中蠱毒或吐下血者若爛肝取蚯蚓十四枚以苦酒三升漬之蚓死但服其汁已死者皆可治

千金治蠱毒下血蝟毛燒末水服方寸匕當吐蠱毒

肘療中蠱毒吐血下血皆如爛肝者苦瓠一枚水二升煮取一升服之吐即愈 又方用苦酒一升煮瓠令消服之神效

諸痿 注夏

痿者手足痿軟而無力百節緩縱而不收也

大法

肝痿屬濕熱 有濕痰者 有氣虛者 有血虛者 有

食積妨碍不降者 有死血者

痿生於肺熱

黃帝問曰五臟使人痿何也岐伯曰肺主身之皮毛心主身之血脈肝主身之筋膜脾主身之肌肉腎主身之骨髓故肺熱葉焦則皮毛虛弱急薄者則生痿痺也心氣熱

脈不傳
於北寒
太甚

筋痿
於入房
太甚

於居處
濕地

骨痛
於勞倦
於天熱

則下脈厥而上上則下脈虛虛則生脈痿樞折羣脛縱而
不任地也肝氣熱則膽洩口苦筋膜乾筋膜乾則筋急而
攣發為筋痿脾氣熱則胃乾而渴肌肉不仁發為肉痿腎
氣熱則腰脊不舉骨枯而髓減發為骨痿帝曰何以得之
岐伯曰肺者臟之長也為心之蓋也有所失亡所求不得
則發肺鳴鳴則肺熱葉焦故曰五臟因肺熱葉焦為痿躄
此之謂也悲哀太甚則胞絡絕胞絡絕則陽氣內動發則
心下崩數洩血也故本病曰大經空虛發為肌痺傳為脈
痿思想無窮所願不得意淫於外入房太甚宗筋弛縱發
為筋痿及為白淫故下經曰筋痿者生於肝使內也有漸
於濕以水為事若有所留居處相濕肌肉濡漬痺而不仁
發為肉痿故下經曰肉痿者得之濕地也有所遠行勞倦
逢大熱而渴渴則陽氣內伐內伐則熱舍於腎腎者水臟

治痿獨
取陽明

也今水不勝火則骨枯而髓虛故足不任身發為骨痿故
下經曰骨痿者生於大熱也帝曰何以別之岐伯曰肺熱
者色白而毛敗心熱者色赤而絡脈溢肝熱者色蒼而爪
枯脾熱者色黃而肉蠕動腎熱者色黑而齒槁也帝曰論
言治痿者獨取陽明何也岐伯曰陽明者五臟六腑之海
主潤宗筋宗筋主束骨而利機關也衝脈者經脈之海也
主滲灌谿谷與陽明合於宗筋陰陽總宗筋之會會於氣
街而陽明為之長皆屬於帶脈而絡於督脈故陽明虛則
宗筋縱帶脈不引故足痿不用也帝曰治之奈何岐伯曰
各補其榮而通其俞調其虛實和其逆順筋脈骨肉各以
其時受月則病已矣帝曰善

痿病論

或問曰治痿之法取陽明之一經此引而未發之言願明
以告我予曰諸痿生於肺熱只此一句便見治法大意經

東垣以
黃柏佐
參朮芪
等補
氣

曰東方實則西方虛瀉南方補北方此固就生尅言補瀉而大經大法不外於此東方木肝也西方金肺也南方火心也北方水腎也五方之中惟火有二腎雖有兩水居其一湯常有餘陰常不足故經曰一水不勝二火理之必然金體燥而居上主氣畏火者也土性溫而居中主四肢畏火者也火性炎上若嗜慾無節則水失所養火寡於畏而侮所勝肺得火邪則熱矣木性剛急肺受熱則失所養木寡於畏而侮所勝脾得木邪而傷矣肺熱則不能管攝一身脾傷則四肢不能爲用而諸痿之病作瀉南方則肺金清而東方不實何脾傷之有補北方則心火降而西方不虛何肺熱之有故陽明實則宗筋潤能束骨而利機關矣治痿之法無出於此駱龍吉亦曰風火既熾當滋腎水東垣先生取蘗皮爲君黃芪等補藥輔佐以治諸痿而無一

定之方有兼痰積者有濕多者有熱多者有濕熱相半者
 有挾氣者臨病制方其善於治痿者早雖然藥中肯啓矣
 若將理失宜醫不治也天產作陽氣厚發熱先哲格言但
 是患痿之人若不淡薄食味吾知其必不能安也

恒清暑益氣湯 黃芪人參湯 清燥湯二方並見注夏

四補益九治痿

丹溪以
乾薑佐
歸地環
虎等補
血

龜板酒炙 瑣陽酒浸 生地酒浸 歸身酒浸

陳皮酒炙 杜牛膝酒浸 白朮酒浸 乾薑七錢

黃柏炒半 虎脛骨酒炙 五味子二錢 茯苓半

白芍藥酒浸 甘草炙 兔絲子酒蒸熟研如糊

諸藥爲末紫何車爲丸如無紫何車猪腦骨髓亦得

龍虎丹治痿

敗龜板酒炙 虎骨酒炙 黃柏酒炙 乾薑二錢

瑣陽七錢半

金箔片

神麴

如懶言語加

山藥末七錢

右為末糯粉糊為丸空心白湯服

虎潛丸

龜板四兩

知母二兩

黃柏四兩

熟地二兩

牛膝三兩半

瑣陽一兩

虎骨炙一兩

當歸一兩

芍藥兩半

陳皮七錢半

乾薑兩半

右為末酒糊丸加附子治痿厥如神

濕熱痿東垣健步丸加苓栢蒼朮 東垣補益腎肝丸治

脚膝無力

二方並見痿厥

蕭炳神龜滋陰丸

方見延下

丹溪氣虛

病痿四君子加蒼朮苓栢 血虛病痿四物湯加蒼朮黃

栢下補陰丸 保命集治脾虛四肢不用以十全散者蓋

治氣血俱虛者也

無怪治
痿補
虛

加減四斤丸治腎肝虛熱滯於內致筋骨痿弱不自勝持起居須人足不任地驚恐戰掉潮熱時作飲食無味不生氣力諸虛不足

肉苁蓉

酒浸

牛膝

酒浸

木瓜

兔絲子

酒浸

鹿茸

煉去毛
切條炙熟地

天麻

五味子

酒浸

右為末蜜丸如桐子大每服五十九丸溫酒米湯食前下

王啓玄傳玄珠耘苗丹三方序曰張長沙戒人妄服燥烈

之藥謂藥勢偏有所助勝尅流變則真病生焉猶憫苗不

長而握之者也若稟氣血不強合服此而不服是不耘苗

者也故名耘苗丹此丹養五臟補不足秘固真元均調二

氣和暢榮衛保神守中

五味子

心去

巴戟

心去

遠志

心去

枸杞子

山藥

白茯苓

肉苁蓉

酒浸

百部

酒浸

杜仲

妙斷

蛇床子

防風

栢子仁

另研

兔絲子

酒浸另研
各二兩

右爲末蜜丸桐子大食前溫酒鹽湯任下三十九春乾
寒湯下夏加五味子四兩四季月加從蓉六兩秋加枸
杞子六兩

衛生湯補虛勞強五臟除煩熱養真元退邪熱順血脈

當歸

白芍藥

各四兩

甘草

炙一兩

黃芪

八兩

年老加酒半盞同水煎

雜芳

蕭炳

治脚軟丹參酒

方見
發脈

經治骨軟風腰膝疼行履不得遍身搔痒何首烏大而有

花紋者同牛膝劉各一斤以好酒一升浸七宿焙乾於木

臼搗末蜜丸每日空心食前酒下三五十丸

保四肢不舉倍曰癰緩故經所謂脾太過則令人四肢不

脾濕

脾實則
四肢不
舉者
者下之

舉又曰土太過則敦阜阜高也敦厚也既厚而又高則令
除去此真所謂膏粱之疾其治則瀉令氣弱陽衰土平而
愈或三化湯調胃承氣湯選而用之若脾虛則不用也經
所謂土不及則卑陷卑下也陷坑也故脾病四肢不舉四
肢皆稟氣於胃而不能至經必因於脾乃得稟受今脾病
不能與胃行其津液四肢不得稟木穀氣氣日以衰脈道
不利筋骨肌肉皆無氣以生故不用焉其治可十全散加
減四物去邪留正

脾實病痿者經云脾病者肉痿足不收又云脾脈太過則
令人四肢不舉又云其犯雨濕之地則為痿者是也

丹濕痿病痿二陳湯加蒼朮白朮黃芩黃柏之類入竹瀝

斗商陸飯治脚軟

方見痿厥

子和陳下一武卒宋子玉因駐軍息城六月間暴得痿病

腰膝兩足皆不任用，蹇而不行，求治於予。予察其兩手脈俱滑大，而有力，予思內經火淫於內，治以酸寒，以鹽水越其腠理，間寒熱宿痰。新者為熱，舊者為寒。或宿食宿飲在上脘者，可以涌之。宿痰既盡，因而下之。節次間行，覺神志日清，飲食日美，兩足漸舉，脚膝漸伸，心降腎升，又繼以黃連解毒湯，加當歸等藥，及瀉心湯，涼膈散，柴胡飲子，大作劑煎，時時呷之。

保心熱盛則火獨光，火炎上，腎之脈常下行。今火盛而上炎，用事故腎脈亦隨火炎爍而逆上行，陰氣厥逆，火復內逼，陰上隔陽下，不守位，心氣通脈，故生脈痿，膝腕樞如折，而不知提挈，經筋縱緩而不任地，故也可下數百行而愈。

痿病食積妨碍不得降者，亦有死血者，俱宜下之。

脾虛則
四肢不
用

秦帝曰脾病而四肢不用何也岐伯曰四肢皆稟氣於胃而不得至經必因於脾乃得稟也今脾病不能為胃行其津液四肢不得稟水穀氣氣日以衰脈道不利筋骨肌肉皆無氣以生故不用焉帝曰脾與胃以膜相連耳而能為之行其津液何也岐伯曰足太陰者三陰也其脈貫胃屬脾絡噙故太陰為之行氣於三陰手足三陰之經也陽明者表也五臟六腑之海也亦為之行氣於三陽手足三陽之經也臟腑各因其經而受氣於陽明故為胃行其津液四肢不得稟水穀氣日以益衰陰道不利筋骨肌肉無氣以生故不用焉大陰陽篇云調經篇云脾藏肉不足則四肢不用從容論云四肢懈惰此脾氣之不行也脾虛四肢不用治法並見前肺熱條

諸痿喘嘔皆屬於上

全文見診

此即諸痿皆生於肺熱之義王註云上謂上焦心肺氣

也

運氣經有三

一曰熱痿經云少陰之復少氣骨痿又云少陽之復少氣脈痿是也

二曰濕痿經云歲土太過甚則病肌肉痿足痿不收又云土太過曰敦阜敦阜之紀其病四肢不舉又云太陽司天之政寒濕之氣持於氣交民病寒濕發肌肉痿足痿不收四之氣風濕交爭風化為雨民病大熱少氣肌肉痿足痿又曰陽明司天之政四之氣寒雨降民病骨痿是也

三曰風制脾痿經云厥陰司天風氣下臨脾氣上從而土且隆體重肌肉痿是也

針灸

陽明根於厲兌結於頰大頰大者鉗耳是也頰大謂頰角入髮際於耳上故名鉗耳也陽明為闔闔折則氣無所止息

而痿疾起矣故痿疾者取之陽明視有餘不足無所止息者真氣稽留邪氣居之也 足陽明根于厲兌溜于衝陽注于下陵入于人迎豐隆也 下陵三里穴也 手陽明根于商陽溜于合谷注于陽溪入于扶突偏歷也 盛絡皆當取之

根結

刺痿經文見前熱條今槩舉其畧肺熱葉焦則肺喘鳴生痿瘓色白而毛敗者 補其榮魚際 通其俞太淵 至秋病已

心熱生脈痿數洩血握折不相提挈脛縱不能任用於地色赤而絡脈溢者 補其榮勞宮 通其俞太陵 至夏病已

肝熱生筋痿下白淫口苦筋急攣色蒼而爪枯者 補其榮行間 通其俞太衝 至春病已

脾熱生肉痿乾渴肌肉不仁色黃而蠕動者 補其榮大

都 通其俞太白 至長夏病已

腎熱生骨痿足不任身腰脊不舉骨枯髓減色黑而齒稿
者 補其榮然谷 通其俞太溪 至冬病已

又痿痹足不收取之少陽陽明之別經云足少陽之別名
曰光明去踝五寸別走厥陰虛則痿躄坐不能起取之所
別也又云滯滯膝痿不能久立治少陽之維在外踝上五
寸又云足陽明之別名曰豐隆去踝八寸別走太陰其病
虛則足不收脛枯取之所別者是也

骨痠懈惰取足少陰髓海經云少氣身漯漯也言吸吸也
骨痠懈惰不能動補足少陰又云腦爲髓之海其俞上在
于其蓋下在風府髓海不足則腦轉耳鳴脛痠懈怠安臥
審守其俞而調其虛實者是也百節弛縱取脾手太陽之

診

濕熱

絡經云脾之大絡名曰大包出淵液下液三寸布胸脇虛則百節盡皆縱此脈若羅絡之血者取之脾之大絡也又云手太陽之別名曰支正上腕五寸實則節弛肘廢取之所別者是也

甲痿不相知太自主之

一云耳重骨痿不相知

足下緩失履衝陽

主之 足緩不收痿不能行不能言語手足痿躄不能行地倉主之

腎脈微滑為骨痿坐不能起起則目無所見

全文見治虛實法

丹斷不可作風治而用風藥

注夏

子和痿之作也皆五月六月七月之時午者少陰君火之位未者濕土庚金伏火之地申者少陽相火之分故痿發此三月之內為熱也故病痿之人其脈浮大

虛

注夏屬陰虛元氣不足補中益氣中去柴升加黃柏炒
挾痰者用南星

恒刺志論云氣虛身熱得之傷暑熱傷氣故也痿論曰有
所遠行勞倦逢大熱而渴渴則陽氣內伐內伐則熱舍於
腎腎者水藏也今水不能勝火則骨枯而髓虛足不任身
發爲骨痿故下經曰骨痿者生於大熱也此濕熱成痿令
人骨乏無力故治痿獨取於陽明時當長夏濕熱大勝蒸
蒸而熾人感之多四肢困倦精神短少懶於動作胸滿氣
促肢節沉疼或氣高而喘身熱而煩心下膨痞小便黃而
數大便溼而頻或痢出黃如糜或如泔色或渴或不渴不
思飲食自汗體重或汗少者血先病而氣不病也其脈中
得洪緩若濕氣相搏必加之以遲遲病雖互換少差其天
暑濕令則一也宜以清燥之劑治之內經曰陽氣者衛外

而為固也熱則氣泄今暑邪干衛故身熱自汗以黃芪甘
溫補之為君人參陳皮當歸甘草甘微溫補中益氣為臣
蒼朮白朮澤瀉滲利而除濕升麻葛根苦甘平善解肌熱
又以風勝濕也濕勝則食不消而作痞滿故炒麴甘辛青
皮辛溫消食快氣腎惡燥急食辛以潤之故以黃栢苦寒
借甘味瀉熱補水虛者滋其化源以人參五味子麥門冬
酸甘微寒救天旱之傷於庚金為佐名曰清暑益氣湯

黃芪

一錢五分

人參

去蘆

升麻

一錢

澤瀉

五分

甘草

炙三分

蒼朮

洗浸去蘆一錢

葛根

二分

五味子

九分

白朮

五分

神麴

炒黃五分

黃栢

酒浸去皮三分

麥門冬

去心三分

歸身

三分

陳皮

五分

青皮

去皮三分

右件同咀咀作一服水二大盞煎至一盞去渣大溫服
食遠劑之多少臨時斟酌此病皆由飲食勞倦傷其脾

胃乘天暑而病作也但藥中犯澤瀉猪苓茯苓燈心通草木通淡味滲利小便之類皆從時令之旺氣以泄脾胃之客邪而補金水之不及也此正方已是從權而立之若於其時病濕熱脾旺之症或小便已數腎肝不受邪者誤用之必大瀉真陰竭絕腎水先損其兩目也復立變證加減法于後 如心火乘脾乃血受火邪而不能升發陽氣伏于地中地者人之脾也必用當歸和血少用黃柏以益真陰 如脾胃不足之證須少用升麻乃足陽明太陰引經之藥也使行陽道自脾胃中右遷少陽行春令生萬物之根蒂也更少加柴胡使諸經右轉生發陰陽之氣以滋春之和氣也 如脾虛緣心火亢盛而乘其土也其次肺氣受邪爲熱所傷必須用黃芪最多甘草次之人參又次之三者皆溫甘之陽藥也

脾始虛肺氣先絕故用黃芪之甘溫以益皮毛之氣而
閉腠理不令自汗而損元氣也上喘氣短懶語須用人
參以補之心火乘脾須用灸甘草以瀉火熱而補脾胃
中元氣甘草最少恐資滿也若脾胃之急痛并脾胃大
虛腹中急縮腹皮急縮者却宜多用經曰急者緩之若
從權必加升麻以引之恐左遷之邪堅盛卒不肯退反
致項上及臀尻肉添而反行陰道故使引之以行陽道
使清氣出地右遷而上行以和陰陽之氣也若中滿者
去甘草咳甚者去人參如口乾噤乾者加乾葛 如脾
胃既虛不能升浮爲陰火傷其生發之氣榮血大虧榮
氣伏於地中陰火熾盛日漸煎焚血氣虧少且心包與
心主血血減則心無所養致使心亂而煩病名曰恍惚
者心惑而煩悶不安也是由清氣不升濁氣不降清濁

相干亂於胸中使周身血氣逆行而亂經云從下上者引而去之故當加辛溫甘溫之劑生陽陽生而陰長也已有甘溫三味之論或曰甘溫何能生血又非血藥也曰仲景之法血虛以人參補之陽旺則能生陰血也更加當歸和血又宜少加黃栢以救腎水蓋甘寒瀉熱火火減則心氣得平而安也如煩亂猶不能止少加黃連以去之蓋將補腎水使腎水旺而心火自降扶持地中陽氣也 如氣浮心亂則以硃砂安神丸鎮固之得煩減勿再服以防瀉陽氣之反陷也如心下痞亦少加黃連氣亂於胸爲清濁相干故以陳皮理之能助陽氣之升而散滯氣又助諸甘辛爲用故長夏濕土客邪火旺可從權加蒼朮白朮澤瀉上下分消其濕熱之氣濕氣大勝主食不消化故食減不知穀味加炒麴以消之復

加五味子麥門冬人參瀉火益肺氣助秋損也此三伏中長夏正旺之時藥也

脾胃虛弱隨時爲病隨病制方 夫脾胃虛弱必上焦之氣不足遇夏天氣熱甚損傷元氣怠惰嗜臥四肢不收精神不足兩脚痿軟遇早晚寒厥日高之後陽氣將旺復熱如火乃陰陽氣血俱不足故或熱厥而陰虛或寒厥而氣虛口不知味目中溜火而視物眊眊無所見小便頻數大便難而秘結胃脘當心而痛兩脇痛或急縮臍下周圍如繩束之急甚則如刀刺腹難舒伸胸中閉塞時顯嘔噦或有痰嗽口沃白沫舌強腰背腹皆痛頭痛時作食不下或食入卽飽全不思食自汗尤甚若陰氣覆在皮毛之上皆天氣之熱助本病也乃庚大腸辛肺金爲熱所乘而作當先助元氣治庚辛之不足黃芪人參湯主之

黃芪

一錢如自汗過多加一錢

人參

去蘆五分

甘草

炙二分

白朮

五分

蒼朮

半錢無汗一錢無

橘皮

二分去白

黃柏

酒洗三分以養

腎水之源

神麴

炒三分

五味子

九粒

麥門冬

去心二分

婦身

酒洗二分

升麻

六分

右咬咀俱作一服水二盞煎至一盞去查稍熱食遠或

空心服之忌酒濕麪大料物之類及過食冷物如心

下痞悶

加黃連二分

如胃脘當心痛減大寒藥加草

薤薏仁

五分

如脇下痛或縮急加柴胡二分

如頭痛

目中溜火

加黃連二分

川芎

二分

如頭目不清利上癢

上熱加蔓荊子

三分

藁本

二分

細辛

一分

川芎

三分

生地黃

二分

如氣短精神少或夢寐間困乏無力加五味子九粒如

大便澁滯隔一二日不見者致食少食不下血少血中

伏火而不得潤也加當歸身生地黃

各五分

桃仁

三箇去皮尖另

研麻子仁

研泥五分

如大便通行所加之藥勿再服

如

大便又不快勿用別藥少加大黃

煨半錢

如不利者

非血結血秘而不通也是熱則生風其病人必顯風症

單血藥不可復加止常服黃芪人參湯藥只用羌活

兩

防風

兩半

二味咬咀以水四盞煎至一盞去查空心服之

大便必大走也一服便止如胸中氣滯加青皮并去

白陳皮倍之去其邪氣此病本元氣不足惟當補元氣

不當瀉之如氣滯太甚或補藥太過或人心下有憂

滯鬱結之事更加木香

二分或三分

砂仁

二分或三分

白苳蔻仁

二分與正藥同煎服

如腹痛不惡寒者加白芍藥

半錢黃

苓二分却減五味子

夫脾胃虛弱至六七月間河漲霖雨諸物皆潤人汗沾衣

身重短氣甚則四肢痿軟行步不正脚欹眼黑欲倒者此

腎水與膀胱俱竭之狀也當急救之滋肺氣以補水之上源又使庚大腸不受邪熱不令汗大泄也汗泄甚則亡津液亡津液則七神無所依經云津液相成神乃自生津者庚大腸所主三伏之義爲庚金受囚也若亡津液汗大泄濕令亢甚則清肅之氣亡燥金受囚風木無可以制故風濕相搏骨節煩疼一身盡痛亢則害承乃制是也孫思邈曰五月常服五味子是瀉內火補庚金大腸益五臟之元氣壬膀胱之寒已絕於巳癸腎水已絕於午今更逢濕旺助熱爲邪西方北方之寒清絕矣聖人立法夏月宜補者補天元之真氣非補熱火也令人夏食寒是也爲熱傷元氣以人參麥門冬五味子生脈脈者元氣也人參之甘補元氣瀉熱火也麥門冬之苦寒補水之源而清肅燥金也五味子之酸以瀉火補庚大腸與肺金也當此之時無病

之人亦或有二症况虛損脾胃有宿疾之人遇此天暑將
理失所違時伐化必困乏無力懶語氣短氣弱氣促似喘
非喘骨乏無力其形如夢寐朦朧如烟霧中不知身所有
也必大汗泄若風犯汗眼皮膚必搐項筋皮枯毛焦身體
皆重肢節時有煩疼或一身盡疼或渴或不渴或小便黃
澁此風濕相搏也頭痛或頭重上熱壅盛口鼻氣短氣促
身心煩亂有不樂生之意情思慘悽此陰勝陽之極也病
甚則傳腎肝爲痿厥厥者四肢如在火中者爲熱厥四肢
寒冷者爲寒厥寒厥則腹中有寒熱厥則腹中有熱爲脾
主四肢故也若肌肉濡潰痺而不仁傳爲肉痿證證中皆
有肺疾用藥之人當以此調之氣上衝胸皆厥證也痿者
四肢痿軟而無力也其心煩寃不止心神痿亂厥者氣逆
也甚則大逆故曰厥逆其厥痿多相須也於前已立黃芪

人參五味子麥門冬湯中每加白茯苓

二澤瀉分四猪苓白

朮

如小便快利不黃澁者只加澤瀉

二與二朮上

下分消其濕 如行步不正脚膝痿弱兩足欹側已中痿

邪者加酒洗黃柏知母三分或五分令二足湧出氣力

如汗大泄者津脫也急止之加五味子

六炒黃柏五分炒知

母三分不令妨其食當以意斟酌若妨食則止候食進再服

取三里氣街以三稜針出血若汗不減不止者於三里穴

下三寸上廉穴出血禁酒濕麪 夫痿者濕熱乘於腎肝

也當急去之不然則下焦元氣竭盡而成軟癱必腰下不

能動心煩冤而不止也若身重減氣不短小便如常及濕

熱之令退時或所增之病氣退者不用五味子澤瀉猪苓

茯苓黃柏知母蒼朮白朮之藥只依本病中證候加減常

服藥亦須用酒黃柏三分或

六七月之間濕令大行于

能令母實而熱旺濕熱相合而刑庚大腸故用寒涼以救之燥金受濕熱之邪絕寒水生化之源源絕則腎虧痿厥之病大作腰已下痿軟癱瘓不能動矣步行不正兩足欹側以清燥湯主之

黃芪錢半

黃連去鬚一錢

蒼朮錢一

白朮錢一

陳皮五分

五味子粒九

人參

白茯苓

升麻各三分

當歸一錢二分

澤瀉五分

柴胡

麥門冬

生地

神麴炒

猪苓

黃柏酒製

甘草炙各二分

右剉如麻豆大每服半兩水二盞煎至一盞去渣稍熱空心服

宋其勞傷發熱當作注夏治之

黃柏炒

升麻各三分

黃芪

人參

腎病診

針灸

木通

白芍藥各五

白木半錢

陳皮

甘草炙各二分

婦人患注夏手足痠軟而熱

白木錢一

黃栢炒

白芍藥

陳皮

當歸錢一

蒼朮分五

甘草生

薑片二

解休即痿類

解休之證懈倦困弱似痿故附痿後

冬脈太過為病在外則令人解休脊脈痛而少氣不欲言

全文見治虛實法王註云寒不寒熱不熱弱不弱壯不壯解不可名謂之解休也

尺脈緩濇謂之解休平人氣象論云王註云尺為陰部腹腎主之緩為熱中濇為無血故

解名謂之解休也

尺內弱者解休安臥脫肉者寒熱不治全文見

刺骨無傷髓髓傷則消燂肝痿體解休然不去矣全文見

心惕惕然執多汗出甚刺足少陽

全文
見

舌腫痛

舌強舌卷

舌縱涎下多

自嚙舌

舌胎

舌黑二條見傷寒

二條見傷寒

心脾

舌屬心脾二臟經云心主熱又云在臟爲心在竅爲舌又云心氣通於舌心和則舌能知五味是舌屬心也又曰中央黃色入通於脾開竅於口藏精於脾故病在舌本屬脾也

舌腫痛

表

金沸草湯治風寒傷於心脾令人增寒熱齒浮舌腫痛

荆芥穗四兩

四

旋覆花

前胡

麻黃

去節各
三兩

赤芍藥

半夏
各兩

各一

右剉散每五錢水一盞半薑七片棗二枚煎七分去渣

濕痰

熱

嗽口吐一半喫一半世醫用此發散傷寒傷風及加杏仁五味子治咳嗽皆效獨未知用之舌腫牙疼辛未年有人患舌腫滿塞粥藥不入其勢危甚大煎此一劑乘熱以紙籠氣薰之遂愈

世烏犀膏治重舌木舌方見咽喉痛

本治心脾雍熱木舌腫脹

玄參 升麻 大黃 犀角各三分

甘草半兩

右為細末每服三錢水一盞煎至五分溫服不拘時

世舌腫脹出口鵬砂細末切生薑蘸藥揩舌腫處即退

又云葦麻取油蘸紙燃燒烟熏之愈又治牛舌出亦好

世重舌用好膽礬研細傳之

世黑散子治舌忽然腫破用釜底煤研細以醋調傳舌上

反治

下脫去更傳能先決出血竟傳之尤佳一法用葶等分調

傳

山舌腫亂髮燒灰水調下

田飛絲入口喉舌間生泡紫蘇嚼白湯下立效

針灸舌痛獨取脾脈經云脾足太陰之脈所生病者舌本

痛視盛虛熱寒陷下取之也

治舌下腫難言口瘡舌縱涎出及舌根急縮 廉泉三分

行氣即瀉
灸三北

治舌腫 廉泉三分 金津 玉液各用三棱
針出血 天突

少商

取又法 廉泉 然谷 風府 天突 關元

廉泉一穴一名舌本在頷下結喉上治舌下腫難言舌

縱涎出口禁舌根急縮下食難刺瘡論云舌下兩脈者廉

雜方
針灸

泉也刺禁論云刺舌下脈太過血不止爲瘡刺節直邪論云取廉泉穴血變而止以明宜出血禁用針或問取廉泉穴二說不同一說取頷下結喉上一說取舌下兩脈何者爲當答曰舌本者乃舌根蒂也若取舌下兩脈是取舌稍也舌標也此法誤也當取頷下者爲當此舌根也況足陽明之脈根於鴈兌結於廉泉頷下乃足陽明之所行也若取舌下兩脈非足陽明經也戊與癸合廉泉足少陰也治涎下解云胃中熱上溢廉泉開故涎下當出血瀉胃中熱又知非舌下兩脈也頷下結喉上者爲准矣脈論曰廉泉主英者津液之道路也

按針經云少陽結於廉泉今曰陽明者誤也

舌和南隣朱老翁年六十餘歲身熱數日不已舌根腫起和舌尖亦腫腫至滿口比元舌大三倍一外科以燔針刺其舌兩旁下廉泉穴病勢轉凶將至顛栽戴人曰血實者

宜決之以鉋針磨令鋒極尖輕砭之曰砭八九次出血約一二盞如此者三次漸覺血少痛減腫消夫舌者心之外候也心主血故血出則愈又諸痛痒瘡瘍皆屬心火燔針艾火皆失此義也

無凡舌腫下必有噤垂狀如蜈蚣臥蚕有頭尾小白可燒鐵烙烙頭上即消

舌強舌卷

無礬石散治風濕寒舌強不能語

枯礬

桂心

各等分

右爲末每服一錢安舌下

針灸

針灸舌卷獨取手少陽絡與筋經云邪客手少陽之絡令人喉痺舌卷口乾心煩臂外廉痛手不及頭刺手中指次指爪甲上去端如韭葉各一疳又云手陽明之筋其病支

診

痛轉筋舌卷治在燔針劫刺以知為數以痛為輸是也

舌卷若唇青卵縮者必死經云厥陰絡者甚則舌卷卵上縮經又云肝者筋之合也肝脈弗榮則筋急筋急則引舌與卵故唇青舌卷卵縮則筋先死庚篤辛死也

舌縱涎下多唾

寒熱

治口角流涎不止口目喎邪手足痿軟方如左自然流涎者

也出

神龜滋陰丸治足痿

龜板炙四兩

知母酒炒二兩

瑣陽酒洗一兩

黃柏炒二兩

枸杞子

五味子各一兩

乾薑炮半兩

右為末清水丸如桐子大每服七十丸空心鹽湯下

通天愈風湯

人參錢一

葳靈仙去蘆半錢南星湯泡

貝母去心錢一

連翹 防風去蘆各五分 瓜蒌仁十五粒 白朮一錢半

桔梗三錢 甘草 荆芥穗各五 生薑三片

右水一鍾半煎七分去渣入荆瀝一呷薑汁些少半飢

時服吞下清心導痰丸五十粒日一服

清心導痰丸

白附一兩 南星姜製二兩 半夏姜製二兩 黃連炒七錢半

天花粉一兩 白僵蚕炒去絲 川烏鹽製二錢

鬱金七錢半 天麻 羌活各半兩

右為末薑汁糊為丸如桐子大每服五十丸用通天愈

風湯吞下

清心牛黃丸

膽星一兩 牛黃二錢 黃連一兩 婦身

甘草 辰砂各半兩

右為末湯浸蒸餅為丸棗豈大每服五十九臨臥時唾津嚥下

涎多自
然流出
者為熱

嘗治宣文炳口流涎不止喜笑舌瘖脈洪大用連苓栝梔白朮蒼朮半夏竹瀝薑汁服之五日涎止笑息

唾多用
力吐出
者為寒

經云大病瘥出喜唾久不了了者胃上有寒當以丸藥溫之宜理中丸東垣云多唾或唾白沫者胃口上停寒也藥中加益智仁此多唾皆用
力吐出也

針灸

經舌縱涎下煩惋取足少陰寒熱黃帝曰人之涎下者

何氣使然岐伯曰飲食者皆入於胃胃中有熱則垂動垂動則胃緩胃緩則廉泉開廉泉開故涎下補足少陰口問篇

經舌縱涎下煩悶陰谷主之

白嚙舌

針灸

經黃帝曰人之自嚙舌者何氣使然岐伯曰此厥逆走上

脈氣皆至也少陰氣至則齧舌少陽氣至則齧頰陽明氣至則齧唇矣視主病者則補之

汗 自汗 頭汗 手足汗 無汗

盜汗

陰陽氣

陽氣有餘為身熱無汗陰氣有餘為多汗身寒陰陽有

餘則無汗而寒脈要論飲食飽甚汗出於胃驚而奪精汗

出於心持重遠行汗出於腎疾走恐懼汗出於肝搖體勞

苦汗出於脾別論

自汗

陽之汗以天地之雨名之全文見陽加于陰謂之汗

不任外
寒為陽

陰陽別論曰陽氣入內加于陰氣也凡傷寒始病脈浮至汗出則沉入內加于陰也

垣表虛自汗秋冬用桂枝春夏用黃芪能治虛勞自汗証

有寒者亦用桂枝
無寒者用黃芪

牡蠣散治諸虛不足及新病暴虛津液不因體常自汗

許學士方亦治盜汗不止

黃芪

麻黃根

牡蠣煨

右剉散每服三錢水一盞半小麥一百粒煎至八分不

拘時服

垣周衛湯治濕勝自汗補衛氣虛弱表虛不任外寒

黃芪

麻黃根

生甘草

猪苓

羌活

麥門冬

婦稍

生地

生黃芩

五味子

蘇木

紅花

半夏

湯洗七次五分

右咬咀如麻豈大作一服水一盞煎至一盞去查稍熱

服中風症必自汗汗多不得重發汗故禁麻黃而用根

節也

心胸悶
熱者瀉
陰火

張芸夫已酉四月天寒陰雨寒濕相雜因官事飲食失節
勞役所傷病解之後汗出不止沾濡數日惡寒重添厚衣
心胸悶躁時躁熱頭目昏憤壅塞食少減此乃胃外陰火
熾甚與夫雨之濕氣挾熱兩氣相合令濕熱大作汗出不
休兼見風邪以助東方甲乙以風藥去其濕以甘藥瀉其
熱羌活勝濕湯主之

甘草

黃芪

生甘草

生黃芪

防風

酒黃芪

人參

三錢以助氣益胃
已上藥瀉胸中熱

薤白

獨活

升麻

川芎

柴胡

五分已上風
藥瀉其濕

細辛

蔓荊子

各三分

薄荷

一分已上
清利頭目

右作一服水二盞煎一盞半後入細辛等四味再熬至
一盞去查熱服一服而止諸症悉去

陽虛者用此

人參黃芪少佐桂枝湯甚者附子亦可用

芪附湯治氣虛陽弱虛汗不止肢體倦怠

黃芪

去蘆蜜炙

附子

炮去皮臍各等分

右咬咀每服四錢水一盞薑十片煎八分食前溫服

通治虛

本補精氣止肝邪平補五臟虛羸六腑怯弱充肌膚進飲

食人參丸

人參

山藥

白朮

白茯苓

石斛

黃芪

取頭末

五味子

各一兩

右為細末蜜丸如桐子大每服三十九空心食前飲下

久服不熱尤宜少年

尺脈虛滑為陰虛

平人氣象論云尺瀋脈滑謂之多汗王註謂尺膚瀋而尺

脈滑也膚瀋者榮血內涸又針經云腠理發泄汗出漆漆

是謂津脫津脫者腠理開汗大泄按此二經論自汗多而

汗濕勝白

血涸津脫者其治法乃東垣正陽湯用炒黃柏知母及當歸六黃湯之類是也汗以臟腑言之皆屬心經云心爲汗難云腎邪入心爲汗出不可止者是也

垣或問濕之與汗陰乎陽乎予應之曰西南坤土也在人則爲脾胃陽之汗以天地之雨名之濕主淋漓驟注者濕勝也陰滋其濕爲露爲雨此陰寒隔熱火也隔者解也陰濕寒下行地之氣也仲景云汗多則亡陽陽去則陰勝也重虛則表陽虛極矣甚爲寒中濕勝則音聲如從甕中出若中水也相家有言土音如居深甕裏言其壅也遠也不出也其爲濕也審矣又知此二者亦爲陰寒內經云氣虛則外寒雖見熱中蒸蒸爲汗終傳大寒知始爲熱中者表虛無陽不任外寒終傳爲寒中者多成痺寒矣夫色以候天脈以候地形者乃候地之陰陽也故以脈氣候之皆有

形之可見者也

右濕勝自汗治法並見陰虛條

痰自汗

丹痰症亦有汗 火氣上蒸胃中之濕亦能作汗可用涼

膈散

汗出惡風為中風

帝曰有病身熱解情汗出如浴惡風少氣此為何病岐

伯曰病名酒風帝曰治之奈何岐伯曰以澤瀉朮各十分

麋銜五分合以三指撮為後飯病能為麋銜一名藜蘆俗名吳風草

白朮散治飲酒中風汗多不可單衣食則汗出如洗久

不治必為消渴症

牡蠣二錢 白朮二兩 防風二兩

右為末每服一錢溫水調下不計時如惡風倍防風白

朮如多汗面腫倍牡蠣

酒風一名漏風經云飲酒中風則為漏風漏風之狀或多

雜方

汗常不可單衣食則汗出甚則身喘息惡風衣裳濡口乾
善渴不能勞事此即酒風同治也凡五臟風皆自汗惡風
經文見風門

丹周師脈弦左大於右不數身易得汗小便赤口燥此為
虛

白朮

陳皮

婦尾

青皮

各半兩

白芍藥

人參

各七錢

黃芩

川芎

各三錢

木通

二錢

甘草

炙五錢

分九貼煎三之一稍熱飲之煎藥下保和丸二十粒

動而汗出有虛者有熱者

垣安胃湯治因飲食汗出日久心中虛風虛邪令人半身
不遂見偏風痿痺之病先除其汗慄悍之氣按而收之

黃連

去

五味子

烏梅

去

生甘草

各五分

針灸

熟甘草

分三

升麻

分二

右咬咀分作二服每服水二盞煎一盞去渣溫服食遠忌濕麪酒五辛大料物之類

刺灸汗出有二

其一取肺經云邪在肺則病皮膚痛寒熱上氣喘汗出欬動肩背取之膺中外輪背三節五椎之傍以手疾按之快然乃刺之取之缺盆中以越之者是也

其二取手足少陽經云三焦手少陽之脈所生病者汗出目銳背痛頰痛耳後痛膝足少陰之脈所生病者汗出振寒瘧皆視盛虛熱寒陷下而施補瀉疾留灸也

肺脈莫而散者當病灌汗至令不復發散也

脈要精微論云灌汗

謂汗多如灌洗之狀病能

論云汗出而浴亦此義也

肺脈緩甚多為汗

全文見治虛實法

血病

頭汗

頭汗出而還血證也額上偏多何謂也曰首者六陽之所會也故熱薰蒸而汗出也額上偏多以部分左頰屬肝右頰屬肺鼻屬中州頤屬腎額屬心三焦之火涸其腎水溝渠之餘迫而上入於心之分故發爲頭汗而額上偏多者屬心之部而爲血證也飲酒飲食頭汗出者亦血證也至於雜證相火迫腎水上行入於心爲盜汗或自汗傳而爲頭汗出者或心下痞者俱同血證例治之無問傷寒雜病酒積下之而心下痞者血證也何以然曰下之亡陰亡陰者則損脾胃而亡血氣在胸中以亡其血陷之於心之分也故心下痞世人以爲血病用氣藥導之則痞病愈甚而又下之故變而爲中滿膨脹非其治也如此然當作何治獨益中州脾土以血藥治之其法無以加矣

佐熱發

勞

手足汗

一男子手足汗醫用芩連栢并補劑皆不效又足汗常多
後以八物半苓為君白附川烏佐使其汗即無

治脚汗

白礬

乾葛各等分

右二味為末每半兩水三碗煎十數沸洗逐日一次纏
三五日自然無汗

無汗

奪血者無汗奪汗者無血禁術生驚

虛

真氣已虧胃中火盛汗出不休胃中真氣已竭若陰火

已衰無汗反燥乃陰中之陽陽中之陽俱衰四時無汗其
形不久濕衰燥旺理之常也其形不久者秋氣主殺生氣
乃竭生氣者胃之穀氣也乃春少陽生化之氣也

盛夏浴食無汗者為表實

見心痛表裏條

楊順二官子患脈滿而短重取而弱此久受濕傷血多年

無汗遇勞身熱倦怠如沙病狀

蒼朮

白朮

芍藥

各半

陳皮

六兩

婦身

二兩

甘草

紅花

各半

分六貼薑三片煎服

謝老形實夏月無汗成久嗽病

半夏

蘇葉

二味為末入莎末枕流末仁陷末以瓜蒌穰桃仁泥半

兩為丸先服三初湯三貼却服此九子

詳枕流末規殼夾蛤粉之類

曲也

針灸

汗不出曲差主之

盜汗

發熱為熱

當歸六黃湯治盜汗之聖藥也

當歸

生地

熟地

黃柏

黃芩

黃芪

黃連

各等分

右為麗末每服二三錢水一盞半煎七分去查溫服小兒用半錢

正氣湯治盜汗

黃柏

炒一錢

知母

炒一錢半

甘草

炙五分

右麗末作一服水二大盞煎一盞去查臨臥服

當歸龍薈丸治盜汗

見治法門

本治盜汗外腎濕

人參

苦參

龍膽草

麻黃根各三錢

右件為末煉蜜丸如桐子大每服三十九丸燒麩湯下

嚴氏黃芪湯治喜怒驚恐房室虛勞致陰陽偏虛發厥自

寒發為寒

虛

汗或盜汗不止並宜服之

黃芪

去蘆蜜炙兩半

白茯苓

去炙酒

桂枝

不見火

天門冬

去心

麻黃根

龍骨

各一兩

五味子

小麥

炒

防風

去蘆

當歸

酒蒸

甘草

炙各兩半

右咬咀每服四錢水一盞薑五片煎七分溫服不拘時

發厥自汗加熱附子發熱自汗加石膏

山盜汗臨夜喫淡煮麥圓子空心服妙香散

本戢陽氣止盜汗進飲食退經絡熱栢子仁丸

栢子仁

半夏

各二兩

牡蠣

甘錫子內火煨用醋煨七次焙乾

人參

麻黃根

熨火炙拭法汗

白朮

五味子

各一兩

淨麩

炒半兩

右八味爲末塞肉丸桐子大空心米飲下三五十九日

二服得效減一服將愈卽住作散調服亦可

世白朮湯治盜汗用白朮四兩分作四處

一兩

用黃芪同炒

一兩

石斛同炒

一兩

牡蠣同炒

一兩

楚皮同炒

各味炒黃色餘藥不用只用白朮研末每服三錢用粟米煎湯送下盡四兩為效

世治盜汗出山藥一味為末臨臥酒調下三錢效

本牡礪散治盜汗

方見前自汗門

世黃芪散治盜汗

黃芪

木通

葛根

右為麤末水煎服

世治盜汗尤切將椒目微炒搗細末用半錢匕以生猪上

唇煎湯一合調臨睡服無不效蓋椒目能行水又治水蠱

世五仙丸治盜汗

天仙子

五靈脂

右為末水糊丸桐子大三十丸白湯臨臥服

本草云天仙子一名

通種

黃若子性甘寒
有毒服者審之

本治盜汗

歲靈仙

甘草各半錢

水煎服

臟腑盜汗皆屬腎經云腎病者盜汗出憎風是也

運氣

運氣盜汗皆屬寒水經云歲水太過寒氣流行甚則勞汗

出憎風又云太陽所至為寢汗瘥是也

雜方

世治盜汗桑葉為末茶服之諸藥不應者累驗出醫說

豆豉能治久盜汗患者以一升微炒令香清酒二升漬

兩三日取汁任人服之不瘥更作三兩劑即止

衍牡礪煨過麻黃根等分同研極細粉治盜汗及陰汗

針灸

世盜汗陰都 五里 間使

虛盜汗中極 氣海 虛損盜汗勞熱 百勞三分瀉

肺俞四分補

診

成盜汗者謂睡而汗出者也不睡則不能汗出方其睡也

溱溱然出覺則止而不復出矣

卒中暴厥

五絕

暴死暴病

脈動形
靜為尸

卒中者卒然不省人事全如死尸但氣不絕脈動如故或脈無倫序或乍大乍小或微細不絕而心胸煖者是也

他尸蹙脈動而無氣氣閉不通故靜而死也 菖蒲屑內

鼻孔中吹之令人以桂屑著舌下 又方剔取左角髮方

寸燒末酒和灌之立起

此即內經法也詳見後

針灸

邪客于手足少陰太陰足陽明之絡此五絡皆會于耳中上絡左角五絡俱竭令人身脈皆動而形無知也其狀若尸或曰尸厥刺其足大指內側爪甲上去端如韭葉後刺足心後刺足中指爪甲上各一病後刺手大指內側去端如韭葉後刺手心主少陰銳骨之端各一病立已不已以竹管吹其兩耳翳其左角之髮方一寸燔飲以美酒一

杯不能飲者灌之立已

全文見刺灸醫音易

三氣昏暈

奪命

在曲澤上針入三分先補候氣回後

臍中

灸七壯忌針此二穴能起死回生

四尸蹇

玉泉

八分補十呼得氣即滿

隱白

三分先補後滿補生瀉成更于兩脇類類

之鬼擊

支溝

二分先補後滿補生瀉成

三里

補十呼瀉五呼此二穴刺之氣不至

無問其數刺之氣主去之勿復刺

中惡

人中

中脘

氣海

仲少陰脈不止腎氣微少精血奔氣促迫上入胃膈宗氣

反聚血結心下陽氣退下熱婦陰股與陰相動令人不仁

此為尸蹇當刺期門巨闕

恍惚尸蹇煩痛中極及僕參

主之

甲尸蹇死不知人脈動如故隱白及大敦主之

尸蹇暴

死金門主之

氣脈不

乙仁宗最寵貴妃一日食次忽仆倒遍身卒冷急奏帝上

乃急召孫杜既至奏曰不妨此乃氣厥爾少頃吐卽復甦也御坐良久果吐而甦上問因何而得二人並奏曰此貴妃方食因憂怨氣上遂與食相併故如此者吐卽氣透故復甦也上問妃有何事如此妃對曰陛下無嗣臣妾不能爲陛下生皇嗣所以自怨氣忽上逆而至驚動聖駕上歎曰朕亦自責乃勞汝致病耶因嘉獎孫杜之能良久曰醫道如此豈非良醫也耶

右暴厥不知人不治自愈經云帝曰厥或令人腹滿或令人暴不知人或至半日遠至一日乃知人者何也岐伯曰陰氣盛於上則下虛下虛則腹脹滿陽氣盛於上則下氣重上而邪氣逆逆則陽氣亂陽氣亂則不知人也又云血之與氣并走於上則爲大厥厥則暴死氣復反則生不反則死者是也

口張目
開手撒
遠解爲
虛

四嘗治一人陰先虧而陽暴絕者浦江鄭兄年近六十養受用之人也仲夏久患滯下而又犯房勞忽一晚登廁間兩手踈散兩眼開而無光尿自出汗如雨喉如鋸呼吸甚微其脈大而無倫次無部位可畏之甚予適在彼急令煎人參膏且先與灸氣海穴壯如小指大至八十壯右手能動又三壯唇微動參膏亦成遂與一盞至半夜後盡三盞眼能動盡二斤方能言而索粥五斤而痢止至數十斤而安

四救卒死而四肢不收失便者方

馬屎一升水三斗煮取二斗以洗之又取牛洞稀糞也一

升溫酒灌口中灸心下一寸臍上三寸臍下四寸各一

壯瘥

救卒死而張口反折者方

灸手足兩爪後十四壯飲以五毒諸膏散方未考

救小兒卒死而吐利不知是何病方

狗屎一九絞取汁以灌之無濕者水煮乾者取汁

救卒死客忤死還魂湯主之

開口
辟邪
五寶

麻黃去節
三兩 杏仁去皮尖
七十箇 炙甘草一錢 千金有桂二兩

右三味以水八升煮取三升去查分令咽之通治諸感忤千金方云主卒忤鬼擊飛尸諸奄忽氣絕無復覺或已無脈口噤拘不開去齒下湯湯下口不下者分病人髮左右提掄肩引之藥下復增服一升須臾立甦

固蘇合香丸治卒中惡忤症

蘇合香油入安息
香膏內 薰陸香另研 龍腦研各
一兩

青木香 白朮 白檀香 丁香

朱砂研木
飛 沉香 香附炒去
毛 犀角研

草撥

安息香

另為末調無灰酒一升製膏

麝香

訶梨勒

煨取皮各二兩

右為細末入研藥勻用安息香膏并煉白蜜和劑每九
桐子大清晨新汲水溫冷任意化服四九老人小兒一
九溫酒化服亦得用蠟紙裹一九如彈子大縫袋帶之
陳無擇云病自內作不曉其名者服之皆效最治氣厥
氣不和吐利關格甚有神效

附扁鵲中惡與卒死鬼擊亦相類為治皆宜相參用之已
死搗菖蒲生根絞汁灌之立瘥

仲救卒死而目閉者搗韭汁灌耳中吹皂莢末鼻中效

無治魘卒死諸暴絕症用半夏不拘多少湯泡七次為末
每用少許吹入鼻中心頭溫者可治倉卒無方急於人中
穴及兩脚大拇指離甲一韭葉許各灸三五壯即活

和一夫病痰厥不知人牙關緊急諸藥不能下候死而已
戴人見之問侍病者口中曾有涎否曰有戴人先以防風
藜蘆煎湯調瓜蒂末灌之口中不能下乃取長蛤甲磨去
刃以紙裹其尖灌於右鼻竅中咽然下咽有聲復灌其左
竅亦然戴人曰可治矣良久涎不出遂以砒石一錢又投
之鼻中忽偃然仰面似覺有痛斯須吐穢及膠涎數升頓
甦砒亦尋常勿用以其病大非此其能動然無瓜蒂亦不
可使用宜消息之

凡卒中口厥鬱冒中風中暑之類皆當發表也仲景云鬱
冒欲解必是大汗出還魂湯用麻黃桂枝清魂湯用荊芥
及諸卒中用皂角半夏搐鼻取嚏用藜蘆砒霜折齒取痰
皆所以開發上焦使表邪流通也中暑忌冷水閉表亦此
意

本解毒雄黃丸治卒中仆地不知人事方見喉車

仲三物備急丸

氣急口
禁腹脹
滿痛為
實宜吐
下

大黃

乾薑

巴豆

各一兩去皮尖心外殼研如脂

右藥各須精新先搗大黃乾薑為末研巴豆內中合搗千杵蜜和丸器中貯之 主心腹諸卒暴百病若中惡客忤心腹脹滿卒痛如錐刺氣急口噤停尸卒死者以熱苦酒服大葶許三四丸或不下捧頭起灌令下咽須臾當瘥如未瘥更與三丸當腹中鳴即吐下便瘥若口噤亦須折齒灌之

中暑

中中暑悶倒急扶在陰涼處切不可與冷水當以布巾衣物等蘸熱湯慰臍中及氣海續以湯淋布上令徹臍腹煖即漸醒如倉卒無湯處掬道上熱土於臍以多為佳冷即易之古法道塗無湯即掬熱土於臍上仍撥開作窩子令

人更溺於中以代湯續與白虎竹葉石膏湯 凡覺中暑
急嚼生薑一大塊冷水送下如已迷亂悶嚼大蒜一大瓣
冷水送下如不能嚼即用水研灌之醒路中倉卒無水渴
甚急嚼生蔥二寸許津同嚥可抵飲水二升中暑之病即
是也

大黃龍九治中暑眩暈昏不知人或身熱惡寒頭痛狀如
傷寒或往來寒熱渴甚嘔吐泄瀉常服去暑毒分陰陽

硫黃

硝石各一兩

雄黃透明者

白礬

滑石

各半兩

寒食麴

各四兩

右爲末滴水丸如桐子大每服五丸至七丸加至二十
丸新汲水下昏塞不知人則以井水開口灌之中暑忌
冷此藥以冷水下之乃熱因寒用

本又方解一切暑毒欲死者便服之立甦

半夏

四兩醋一升
半煮盡焙乾

甘草

兩

肉桂

赤茯苓

各半兩

白茯苓

兩

右爲末用生薑汁麪糊丸如桐子大每服五十丸熱水下予夏日登途常畜此藥於篋笥中防諸緩急及僕仆門每日一服無伏暑之疾奇驗不一

山中暑發昏以新汲水滴兩乳以扇搦之重者以地漿灌之則醒若與水飲則死

寒
仲諸乘寒者則爲厥鬱胃不仁以胃無穀氣脾不通口急不能言戰而慄也

無附子理中湯治五臟中寒口噤四肢強直失音不語昔有武士守邊大雪出帳外忽然暈倒時灌以此藥兩劑遂醒

大附子

炮去
皮膽人參

乾薑

兩

甘草

炙

白朮各等分

右剉爲散每服四大錢水一盞半煎七分去查空心服口噤則幹開灌之

乾薑附子湯治中寒卒然暈倒或吐逆涎沫如暗風手脚攣搐口噤四肢厥冷或復躁熱方見傷寒

四治凍死法四肢有口噤只有微氣者用大釜炒灰令煖以囊盛熨心上冷卽易之目開氣出然後以粥清稍稍進之若不先溫其心便將火灸則冷氣與火爭必死矣

血厥

四瘡瘍鬱冒俗呼昏迷慎不可下汗之則愈此因出膿血至多而鬱冒

也文

仲鬱冒欲解必大汗出

本人平居無疾忽如死人身不動搖默默不知人目閉不能開口啞不能言或微知人惡聞人聲但如眩冒移時方

寤此由汗過多血少氣併于血陽獨上而不下氣壅塞而
不行故身如死氣過血還陰陽復通故移時方寤名曰鬱
冒亦名血厥婦人多有之宜白薇湯倉公散

白薇湯

白薇

當歸各一

人參兩

甘草

分

右籠末每服五錢水二盞煎一盞去查溫服

倉公散

藜蘆

瓜蒂

雄黃

礬石

煨

右等分爲細末少許吹入鼻中

脈問曰婦人病經水適下而發其汗則鬱冒不知人何也
師曰經水下故爲裏虛而發其汗則表亦虛此爲表裏俱
虛故令鬱冒也

問婦人半產悞用寒涼藥有損論治法○婦人分娩及半

產漏下昏冒不省瞑目無所知覺蓋因血暴亡此有形血
去之後則心神無所養心與包絡者君火相火也得血則
安亡血則危火上熾故令人昏冒火乘肺瞑目不省人事
是陰血暴亡不能鎮撫也故血已虧損往往用滑石甘草
石膏之類乃辛甘大寒之藥能瀉氣中之熱是血虧瀉氣
乃陰虧瀉陽使二者俱傷反爲不足虛勞之病昏迷不省
者上焦心肺之熱也此無形之熱用寒涼之藥驅令下行
豈不知上焦之病悉屬於表乃陰證也汗之則愈今反下
之倖免不死暴虧氣血生命豈能久活又不知內經有云
病氣不足宜補不宜瀉瞑目合眼之病悉屬於陰宜汗不
宜下又不知傷寒鬱冒得汗則愈是禁用寒涼藥也分娩
半產本氣不病是暴去有形之血亡血補血又何疑焉補
血則神昌常時血下降亡今當補而升舉之心得血則能

養神不昏矣血暴降下是秋冬之令大旺今舉而升之以助其陽則目張神不昏迷矣今立一方補血養血生血益陽以補手足厥陰之不足以全生活血湯主之

全生活血湯 諸陽既隔何以知之血下脫故也

紅花

蔓荊子

細辛

各五分

生地

夏月倍加

熟地

各一錢

藥本

川芎

各一錢五分

防風

羌活

獨活

甘草

炙

柴胡

葛根

婦身

各二錢

白芍藥

升麻

各三錢

右咬咀每服五錢水煎去渣食前稍熱服

當歸附子湯

治臍下冷痛赤白帶下

當歸

二分

炒鹽

三分

蠍稍

升麻

各五分

甘草

柴胡

各七錢

黃柏

少許

附子

一錢

乾薑

良薑

各一錢

右咬咀每服半兩水煎去渣稍熱服或為細末酒麪糊丸亦可

治婦人血風攻腦痛旋悶絕忽死倒地不知人事者用
喝起草取其嫩心不限多少陰乾為末以常酒服一大錢
不拘時候其功大效服之多達腦蓋善通頂門今蒼耳是
也

治姙娠因外感風如中風狀不知人用熟艾為末醋炒
令極熱乘熱以絹帛裹熨臍下良久開省

腎肝

奔豚氣上衝咽喉發作亦似死狀往來寒熱是也

治見
積聚

卒中仆地半身不遂者為中風

治見
中風

卒中仆地口吐涎沫者為癰癩

治見
癰癩

運氣

運氣鬱冒有二

其一屬熱經云少陰之復鬱冒不知人惡寒振慄又云少

陽所至為晡昧又云諸熱晡瘳皆屬於火治以鹹寒是也
其二屬寒經云歲火不及寒乃大行民病鬱冒蒙昧心痛
又太陽司天與太陽之復皆病善悲眩仆又陽明司天之
政四之氣寒雨降病眩仆治以甘熱是也

山中惡客忤卒死者灸臍中百壯以皂角末搗鼻或研韭
汁灌耳中

雜方

仲救卒死

韭根

烏梅二七箇

吳茱萸半升炒

右三味以水一斗煮之以病櫛內中三沸櫛浮者生沉
者死煮取三升去渣分飲之

救卒死方

雄雞冠割取血以管吹內鼻中

猪脂如雞子大苦酒

一升煮沸灌喉中

雞肝及血塗面上以灰圍四旁立

起 大芰二七粒以雞子白并酒和盡吞之

救卒死而壯熱者方用礬石半斤以水一斗半煮消以浸脚令沒踝

世驚怖死者以溫酒灌之

痰中後心下迷悶汪洋食少倦怠

白水二錢半

川芎半錢

蒼朮

半夏

茯苓各一錢

薑片三錢

水煎服

四六嫂因食生菜青梅痰發昏冒不知人口渴脈滑今已能言但說心下痞痛乏力

陳皮

白朮各錢

蒼朮

半錢

滑石

一錢半

木香三錢

甘草

炙此三少

半夏

七分半

水煎服

婦人三十餘歲因產後能食半月後忽頭暈仆不知人醒後至今食少

白朮錢二

川芎

黃芩

茯苓各一錢

薑三片

右煎取三之一下保和丸三十粒

諸疾無
腹痛者
忌下

本世言氣中者雖不見於方書然暴喜傷陽暴怒傷陰憂
愁拂意氣多厥逆往往多得此疾便覺涎潮昏塞牙關緊
急若槩作中風候用藥非止不相當多致殺人元祐庚午
母氏親遭此禍至今飲恨母氏平時食素氣血羸弱因先
子捐館憂惱忽一日氣厥牙禁涎潮一里醫便作中風以
大通丸三粒下之大下數行一夕卒予嘗痛恨每見此症
急化蘇合香丸灌之便醒然後隨其寒熱虛實而調理之
無不愈者
經云無故而瘖脈來乍大乍小乍短乍長者為祟滑者鬼
疰緊而急者遁尸

診

脈至如喘名曰暴厥厥者不知與人言大奇○脈浮而

散者為胸仆王註云浮為虛散○急虛身中卒至五臟

絕閉脈道不通氣不往來譬於墮溺不可為期其脈絕不

來若人一息五六至其形肉不脫其藏雖不見猶死也玉

其藏

論

中暑脈陽弱陰虛微遲似北

問曰婦人病如癰疾鬱冒一日二十餘發師脈之反言

帶下皆如師言其脈何類何以別之師曰寸口脈濡而緊

濡則陽氣微緊則榮中寒陽微衛氣虛血竭凝寒陰陽不

和邪氣舍於榮衛疾起年少時經水來以合房室移時過

度精感命門開經下血虛百脈皆張中極感陽動微風激

成寒因虛舍榮衛冷積於丹田發動上衝奔在胸高津液

掩口入涎唾涌溢出眩冒狀如厥氣衝體裏熱麗醫名為

顛灸之因大劇○問婦人病苦氣上衝胸眩冒吐涎沫
裏氣衝熱師脈之不名帶下其脈何類何以別之師曰寸
口脈沉而微沉則胃氣伏微則榮氣絕陽伏則為疹陰絕
則為亡血病當小便不利津液閉塞今反小便通微汗出
沉變為寒咳逆嘔沫其肺成痿津液竭少亡血損經絡因
寒為血厥手足苦痺氣從丹田起上至胸脇沉寒怫鬱於
上胸中窒塞氣歷陽部面翕翕如醉形體似肥此乃浮虛
醫反下之長針復重虛榮衛久發眩冒故知為血厥也

仲問曰寸口脈沉大而滑沉則為實滑則為氣實氣相搏
血氣入臟即死入腑即愈此為卒厥何謂也師曰唇青身
冷為入臟即死如身溫和汗自出為入腑即愈

脈人病尸厥呼之不應脈伏者死脈大反小者死 卒中
惡腹大四肢滿脈大而緩者生緊大而浮者死緊細而微

者亦生

五絕

丹治五絕一自縊二摧壓三溺水四魔魅五產乳用半夏一兩末爲丸葦大內鼻中愈心溫者一日可治

山子母
秘錄

救自縊
死法

仲救自縊死自旦至暮雖已冷必可治暮至旦則難恐此當言陰氣盛故也然夏時夜短於晝又熱猶應可治又云心下若微溫者一日已上猶可治之當徐徐抱解不得截繩上下安被臥之一人以腳踏其兩肩手挽其髮常令弦急勿使縱緩一人以手按據胸上數摩動之一人摩捋臂脛屈伸之若已殭直但漸漸強屈之并按其腹如此一炊頃雖得氣從口出呼吸眼開仍引按莫置亦勿勞之須臾可少與桂湯及粥清含與之令喉潤漸漸能嚥乃止更令兩人以管吹其兩耳此法最善無不活者

山自縊者切不可割斷繩子以膝蓋或用手厚裹衣物緊頂穀道抱起解繩放下揉其項痕搯鼻及吹其兩耳待其氣回方可放手若便泄氣則不可救矣

肘自縊死安定心神徐緩解之慎勿割繩斷抱取心下猶溫者則雞冠血滴口中卽活男雌女雄 又方雞尿白如
惠大酒半盞和灌及鼻中尤妙 千金方以藍汁灌之餘
法同上

救癰壓
死法

山卒墮癰壓倒打死心頭溫者皆可救將本人如僧打坐
令一人將其頭髮控放低用半夏末吹入鼻內如活却以
生薑汁香油打勻灌之

救溺死
法

仲救溺死方取竈中灰兩石埋之從頭至足水出七孔卽
活

山溺水者放大甕上睡着將脚後甕脚站起二磚却蘸塩

擦臍中待其水自流出切不可倒提出水此數等但心頭微熱者皆可救治 又方溺水死一宿者尚活搗皂角綿裹內下部須臾出水即活

法救魔死
世治鬼魔不寤中惡者皂角爲末如葉葦大許吹入鼻中得嚏即氣通

山魔死不得近前喚但痛咬其脚跟及唾其面不省者移動此少臥處徐徐喚之元有燈則存無燈切不可點燈及用皂角搗兩鼻

世臥忽不寤勿以火照之殺人但痛嚙大拇指甲際而唾其面則活取韭搗汁吹鼻孔冬月用韭根取汁灌口中
世治卒魔雄黃搗末細篩以管吹入鼻孔中

暴死暴病

暴死乃真死也皆死於片餉半日或一日二日如非卒中

可再醒也

虛

靈黃帝曰其有卒然暴死暴病者何也少師答曰三虛者其死暴疾也得三實者邪不能傷人也黃帝曰願聞三虛少師曰乘年之衰逢月之空失時之和因為賊風所傷是為三虛故論不知三虛二反為僞帝曰願聞三實少師曰逢年之盛遇月之滿得時之和雖有賊風邪氣不能危之

歲露篇

三虛相搏則為暴病卒死

全文見診歲為病

運氣

運氣暴死暴病有四

一曰虛經云六位之氣盈何如岐伯曰大少異也大者之至徐而常少者之至暴而亡是也蓋暴雖謂所至之氣然病氣皆在其中也

二曰火經曰火鬱之發甚則悶懊懷善暴死又云少陰所

診

至爲暴死又云少陽司天之政三之氣炎暑至民病暴死
又云陽明司天之政二之氣榮厲大至民善暴死又云少
陽所至爲暴病是也

三曰風火經云少陽司天火氣下臨風行於地其主暴速
又云厥陰司天風氣下臨其發機速主所謂變化卒急其
爲疾病速在發機是也

四曰金經云金太過曰堅成堅成之紀其動暴折瘍疰是
也此金兼火化之氣金主折火主暴也

雷公曰人不病而卒死何以知之黃帝曰火氣入於臟
腑者不病而卒死矣雷公曰病小愈而卒死者何以知之
黃帝曰赤色出兩顴大如拇指者病雖小愈必卒死黑色
出於庭大如拇指必不病而卒死

赤色出兩顴即脈訣所謂暴病如粒不久居者是也

針灸

六陽經綱目卷之三

全

太陽根于至陰結于命門命門者目也太陽為開開折則肉節瀆而暴病起矣故暴病者取之太陽視有餘不足瀆者皮肉宛腫而弱也

根結

醫學綱目卷之十七